

ԵՐԵՎԱՆԻ ԿԱԹՈՂԻԿՈՍՈՍՈՒՆ

ՄԱՅՐ ԱԹՈՌ ՍՈՒՐԲ ԷԶՍԻԱՃՆԻ
ԿՐՈՆԱԿԱՆ, ՄԵԿՎՈՒԹԱՅԻՆ,
ԼՐԱՏՎԱԿԱՆ ԵՐԿԵԱԲԱԹԱԹԵՐԹ

ԸՆԴՈՒՆԵԼՈՒԹՅՈՒՆՆԵՐ ՄԱՅՐ ԱԹՈՌԻ ՎԵՂԱՐԱՆՈՒՄ Ամենայն Հայոց Կաթողիկոսն ընդունեց



Դեկտեմբերի 4-ին ԱՄՆ հայոց արևմտյան թեմի պատվիրակությանը

Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսն ընդունեց ԱՄՆ հայոց արևմտյան թեմի պատվիրակությանը՝ ի դեմս Վաշինգտոնի նահանգի Սիեթլի Սուրբ Հարություն եկեղեցու հոգևոր հովիվ Տ. Վազգեն քին. Բոյաջյանի, Սան Ֆրանցիսկոյի Սուրբ Հովհաննես եկեղեցու հոգևոր հովիվ Տ. Մեսրոպ քին. Աշի և թեմական խորհրդի ատենապետ տիար Վարդան Նազիրյանի:

Տեղ. Վազգենը, հայցելով Նորին Սրբության օրհնությունը, տեղեկացրեց, որ պատվիրակությունը Հայաստան է ժամանել տեղում ծանոթանալու արցախահայերի առջև ծառացած մարտահրավերներին, նրանց սոցիալական կացությանը և կարիքների գնահատման արդյունքում մշակելու աջակցության ծրագրեր:

Իր սերն ու օրհնությունը փոխանցելով պատվիրակության անդամներին՝ Վեհափառ Հայրապետն իր գնահատանքը հայտնեց ԱՄՆ հայոց արևմտյան թեմի առաջնորդ Տ. Հովման արք. Տերտերյանին՝ Արցախից բռնի տեղահանված հայորդիների աջակցությանն ուղղված ջանքերի համար: Հանդիպմանն Ամենայն Հայոց Կաթողիկոսն անդրադարձավ հայրենագրված արցախահայության ծանր կացությանը և հյուրերին ներկայացրեց Մայր Աթոռի՝ արցախցի հայորդիներին աջակցելու ծրագրերը՝ կարևորելով նաև սփյուռքահայության հետևողական մասնակցությունն այդ գործում:

Վերջում Նորին Սրբությունը պատասխանեց պատվիրակության անդամների հարցերին, որոնք առնչվում էին արցախահայերի ծանր կացությանը և իրականացվող աջակցության ծրագրերի ընդլայնմանը:

տության ինքնիշխան տարածքների բռնազավթմանը և որդեգրած ագրեսիվ քաղաքականությանը:

Զրույցի ընթացքում Ամենայն Հայոց Կաթողիկոսն անդրադարձ կատարեց մինչ օրս Ադրբեջանում պահվող հայ ռազմագերիների վերադարձման և Արցախի հոգևոր-մշակութային ժառանգության պահպանության խնդիրներին՝ այդ ուղղությամբ կարևորելով միջազգային ասոցիացիաների գործունեությունը:

Եվրախորհրդարանի պատգամավոր ժոֆրուա Դիդիեն Նորին Սրբությանը տեղեկացրեց, որ Հայաստան իր այցի ընթացքում ի մոտո ծանոթացել է հայրենագրված արցախահայության ծանր կացությանը: Այս առիթով Եվրախորհրդարանի պատգամավորը հավաստիացրեց, որ այսուհետև նա պիտի շարունակի ջանքեր ներդնել ի նպաստ արցախահայերի իրավունքների պաշտպանության և Հայաստանի անվտանգային խնդիրների հաղթահարման:

Զրույցի ընթացքում անդրադարձ կատարվեց նաև Երուսաղեմի Հայոց պատրիարքության «Կովերի պարտեզ» կալվածքի վարձակալության շուրջ ստեղծված իրադարձություններին: Նորին Սրբությունն իր գնահատանքը հայտնեց ՀՀ-ում Ֆրանսիայի դեսպանին՝ խնդրի առնչությամբ կատարած կոչի համար:



Դեկտեմբերի 8-ին ՀՀ-ում Կանադայի նորանշանակ դեսպանին



Եվրախորհրդարանի պատգամավորին

Ամենայն Հայոց Կաթողիկոսն ընդունեց Եվրախորհրդարանի պատգամավոր ժոֆրուա Դիդիեն Նորին Սրբությանը ՀՀ-ում Ֆրանսիայի Հանրապետության արտակարգ և լիազոր դեսպան Օլիվյե Դելոտին:

Հանդիպմանը Նորին Սրբությունն իր գնահատանքը հայտնեց պատգամավոր ժոֆրուա Դիդիենին՝ հայանպաստ դիրքորոշման համար, ինչպես նաև Եվրախորհրդարանին՝

ի պաշտպանություն արցախահայության արդար իրավունքների կատարված հայտարարությունների և որդեգրված բանաձևերի առնչությամբ:

Իր խոսքում Նորին Սրբությունն անդրադարձավ Ադրբեջանի ցեղասպանական գործողություններին, որոնց հետևանքով հայաթափվեց Արցախը, ինչպես նաև Ադրբեջանի կողմից Հայաստանի Հանրապետության և Հայաստանի Հանրապետության անվտանգության խնդիրների հաղթահարման, բռնի տեղահանված արցախահայության գորակցության և տարածաշրջանում խաղաղության հաստատման:

Ամենայն Հայոց Կաթողիկոսն ընդունեց ՀՀ-ում Կանադայի նորանշանակ արտակարգ և լիազոր դեսպան Էնդրյու Թըրներին:

Նորին Սրբությունը շնորհավորեց դեսպանին և հաջողություններ մաղթեց նրան իր առաքելության մեջ՝ նշելով, որ Հայաստանում Կանադայի դեսպանության հիմնումը կնպաստի երկու երկրների բարեկամական հարաբերությունների առավել սերտացմանն ու արգասավորմանը:

Հանդիպմանն Ամենայն Հայոց Հայրապետը, ի դեմս դեսպանի, իր գնահատանքը հայտնեց Կանադայի իշխանություններին՝ Հայոց ցեղասպանության ճանաչման, դատապարտման, ինչպես և մեր երկրին ու ժողովրդին ցուցաբերած գորակցության համար:

Վեհափառ Հայրապետն անդրադարձ կատարեց Հայաստանի առջև ծառացած անվտանգային, Արցախից տեղահանված հայորդիների արդար իրավունքների պաշտպանության, Արցախի հոգևոր-մշակութային ժառանգության պահպանման

հիմնախնդիրներին՝ հույս հայտնելով, որ միջազգային համրության և բարեկամ երկրների գործունե աջակցությամբ մեր ժողովուրդը կկարողանա դուրս գալ ստեղծված ծանր կացությունից:

Նորին Սրբությունը գոհունակությամբ անդրադարձավ նաև Կանադայի իշխանությունների հայ համայնքի հանդեպ դրսևորվող հոգատար վերաբերմունքին՝ նկատելով, որ Կանադայի հայ համայնքը կարևոր կամուրջ է երկու երկրների միջև հարաբերությունների զորացման համար:

Նորանշանակ դեսպան Էնդրյու Թըրները, խոսելով Հայաստանում իր առաքելության և հայ-կանադական համագործակցության խորացման ու զարգացման հեռանկարների մասին, պատրաստակամություն հայտնեց ամեն ջանք ներդնելու՝ ի նպաստ Հայաստանի առջև ծառացած մարտահրավերների հաղթահարման, բռնի տեղահանված արցախահայության գորակցության և տարածաշրջանում խաղաղության հաստատման:

Տեղի ունեցավ «Շուշին՝ Կովկասի մարզարիտ» գիտաժողովը

Բեկտեմբերի 11–12-ին Ֆրանսիայի «Արևելյան լեզուների և քաղաքակրթությունների ազգային ինստիտուտում» (INALCO) տեղի ունեցավ «Շուշին՝ Կովկասի մարզարիտ» խորագրով երկօրյա գիտաժողովը, որը կազմակերպվել էր «Արևելյան լեզուների և քաղաքակրթությունների ազգային ինստիտուտ» (INALCO) հիմնադրամի և «Հիշատակարան» մախազի նախաձեռնությամբ:

Գիտաժողովի բացմանը Մայր Աթոռ Սուրբ Էջմիածնի քաղաքական կենտրոնի տնօրեն Ս. Գարեգին վրդ. Համբարձումյանը ներկայացրեց փոխանցեց

Ն. Ս. Օ. Ս. Ս. Գարեգին Երկրորդ Ամենայն Հայոց Կաթողիկոսի օրհնությունն ու գնահատանքը:

Այնուհետև ողջույնի խոսքով հանդես եկավ Ֆրանսիայի Սենատի փոխնախագահ Պիեր Ուզուլիասը:

Գիտաժողովին ներկա էին Ֆրանսիայի հայոց թեմի առաջնորդ Ս. Գրիգոր վրդ. Խաչատրյանը, Ֆրանսիայում ՀՀ դեսպան տիկին Հասմիկ Տումաջյանը, Ֆրանսիայի մշակութային ժառանգության ազգային ինստիտուտի տնօրեն Շարլ Պերսոնազը, հայ և օտարերկրացի գիտնականներ, քաղաքական, հասարակական և մշակութային գործիչներ:

Գիտաժողովի ընթացքում ներկայացվեցին զեկույցներ՝ նվիրված Շուշիի և առհասարակ Արցախի հոգևոր-մշակութային ժառանգության պահպանության խնդիրներին, և ուղեկցվեցին այդ ուղղությամբ հայ ու ֆրանսիացի գործիչների համագործակցության ճանապարհները:

Ս. Գարեգին վրդ. Համբարձումյանը բանախոսեց «Շուշին որպես կրթական և հոգևոր կենտրոն Արցախի թեմում և Սուրբ Էջմիածնի առաքելությունն Արցախի մշակութային ժառանգության պահպանման գործում» թեմայով, ինչպես նաև ներկայացրեց Արթուրյանի



հայոց սրբավայրերի թիրախավորման և պատմամշակութային արժեքների ոչնչացման փաստագր-

ված ապացույցներ ու միջազգային հանրության՝ ձեռնարկվելիք քայլերի առաջարկներ:

Մայր Աթոռ Սուրբ Էջմիածնում նշվեց հայոց առաջին լուսավորիչների տոնը

Բեկտեմբերի 2-ին Հայաստանյայց Առաքելական Սուրբ Եկեղեցին հիշատակեց հայոց առաջին լուսավորիչներ Սուրբ Թադեոս և Սուրբ Բարդուղիմեոս առաքյալների տոնը:

Դեռևս 2015 թվականին Ն. Ս. Օ. Ս. Ս. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի սրբատառ կոնդակով տոնը հռչակվել է Աստվածամուխ սուրբ գեղարդի ուխտի օր: Այդ օրը հավատացյալների օրհնության և երկրպագության համար դուրս է բերվում Մայր Աթոռ Սուրբ Էջմիածնում պահվող համաքրիստոնեական սրբությունը:

Շնորհառատ օրվա կապակցությամբ Մայր Աթոռ Սուրբ Էջմիածնի Սուրբ Հովհաննես Մկրտիչ և Սուրբ Վարդան մատուռ-մկրտարանում, հանդիսապետությամբ Ն. Ս. Օ. Ս. Ս. Գարեգին Երկրորդ Ամենայն Հայոց Կաթողիկոսի, մատուցվեց սուրբ պատարագ: Պատարագին էր ՀՀ ԶՈՒ հոգևոր առաջնորդ Ս. Մովսես վրդ. Սարգսյանը:

Սրբազան արարողությանը ներկա էին թեմակալ առաջնորդ-



ներ, Մայր Աթոռում պաշտոնավարող եպիսկոպոսներ, միաբաններ և բազմաթիվ ուխտավորներ:

Սուրբ պատարագի ընթացքում եկեղեցական թափորի առաջնորդությամբ Գարեգին Երկրորդ Ամենայն Հայոց Կաթողիկոսը մատուռ-մկրտարան բերեց աստվածամուխ սուրբ գեղարդը՝ օրհնելով ուխտավոր հայորդիներին:

Իր քարոզում հայր սուրբը,

անդրադարձ կատարելով տոնի խորհրդին, ի մասնավորի նշեց. «Սիրելի հավատացյալներ, պատմության ընթացքում, երբ որ հայ ազգը շեղվել է առաքյալների քարոզած հավատքից, հեռացել է նրանց հիմնած Առաքելական Սուրբ Եկեղեցուց ու դադարել է լսել իր հոգևոր առաջնորդներին, ընկել է փորձությունների մեջ: Երբեմն որոշ շրջանակներ տարա-

ծում են այն թեզը, թե հայ ազգը թուլացավ, երբ քրիստոնյա դարձավ: Սակայն իրականում ճիշտ հակառակն է. հայ ազգը թուլացավ, կորուստներ ունեցավ ոչ թե քրիստոնյա լինելու պատճառով, այլ քրիստոնյա չլինելու պատճառով: Մեր ազգի դժբախտությունների պատճառ եղել են Մայր Եկեղեցուց հեռանալը և առաքյալների քարոզած մաքուր հավատի ու քրիստոնեության պակասը:

Սուրբ Գրքում հստակորեն ասվում է, որ եթե Աստծու տված օրենքները չպահենք, ապա բոլոր ազգերից վերջինը կլինեք, դուք կցանցեք, ուրիշները կուտեն, պատերազմների մեջ կընկնեք, ձեր զավակները գերի կլինեն, կսփռվեք աշխարհով մեկ (տե՛ս Դևտ. ԻԶ 14–33), իսկ եթե Աստծու պատվին ընդմերձ պահենք, ապա պիտի հաջողեք ու հզորանաք, դուք հալածական կանեք ձեր թշնամիներին, և Տերը ձեր երկրին խաղաղություն կպարգևի (տե՛ս Դևտ. ԻԶ 3–8)»:

Հայր Մովսեսն ընդգծեց նաև, որ առաքյալների տոնը Հայաստանյայց Առաքելական Սուրբ Եկեղեցու նկատմամբ մեր սերն ու հավա-

տարմությունը վերահաստատելու և մեր հայրերի ու վարդապետների թողած ժառանգությանն ու բարոյական արժեքներին հավատարիմ մնալու ուխտի օր է:

Վերջում հայր սուրբը հորդորեց հավատացյալներին աղոթքով հայցել Սուրբ Թադեոս և Սուրբ Բարդուղիմեոս առաքյալների բարեխոսությունը հայ ազգի համար, որպեսզի Աստված առաքելական հավատքի մեջ գորացնի ու պահպանի մեր ժողովրդին, և աստվածամուխ սուրբ գեղարդը շարունակենք հրաշագործել հայոց կյանքում՝ ի պայծառություն Առաքելական Սուրբ Եկեղեցու և ի շինություն հայրենիքի:

Սուրբ պատարագի ավարտին Հայոց Հայրապետը Պահպանիչ աղոթքով և սուրբ գեղարդով օրհնեց ներկա ժողովրդին, ապա հավատացյալներին հմարավորություն ընձեռվեց երկրպագելու ու համբուրելու համաքրիստոնեական սրբությունը:

Աստվածամուխ սուրբ գեղարդը Մայր Աթոռի մարտուռ-մկրտարանում մնաց մինչև երեկոյան ժամերգության ավարտը:

Ի Տեղ հանգավ Ս. Տարոն եպս. Ծերենյանը

Ֆրանսիայի հայոց թեմի առաջնորդարանից Մայր Աթոռ Ս. Էջմիածնի տեղեկացվել է, որ դեկտեմբերի 5-ին՝ կյանքի 86-րդ տարում, երկարատև ծանր հիվանդությունից հետո վախճանվել է Մայր Աթոռ Սուրբ Էջմիածնի երիցագույն միաբաններից Ս. Տարոն եպս. Ծերենյանը: Ն. Ս. Օ. Ս. Ս. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսը և Մայր Աթոռի միաբանությունը խորապես սգում են բազմավաստակ Տարոն սրբազանի մահը՝ աղոթելով երջանկահիշատակ սրբազան հոր հոգու հանգստության և խաղաղության համար:

Ս. Տարոն եպս. Ծերենյանի վերջին օծման և թաղման կարգը կատարվեց դեկտեմբերի 9-ին Մարսելի Սրբոց Թադեոսյանց մայր եկեղեցում՝ ձեռամբ Ռումինիայի հայոց թեմի առաջնորդ Ս. Տաթև եպս. Հակոբյանի: Ն. Ս. Օ. Ս. Ս. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի տնօրինությամբ դեկտեմբերի 10-ին Սուրբ Գայանե վանքում և թեմերի առաջնորդամիստ եկեղեցիներում հավարտ սուրբ պատարագի կատարվեց երջանկահիշատակ Տարոն եպիսկոպոսի հոգեհանգստյան կարգը:

«Հիշատակն արդարոյն օրհնութեամբ եղիցի»:

Կենսագրություն

Ս. Տարոն եպս. Ծերենյանը (ավագանի անունը՝ Ժիրայր) ծնվել է 1937 թ. հուլիսի 11-ին Բեյրութում: Նախնական կրթությունն ստացել է Սահակյան վարժարանում: 1952 թ. ընդունվել է



Մեծի Տանն Կիլիկիո դպրեկանց: 1957 թ. ձեռնադրվել է սարկավագ: 1959 թ. ավարտել է Մայր Աթոռի Ս. Էջմիածնի Գևորգյան հոգևոր ճեմարանը: 1960–1963 թթ. ուսանել է Անգլիայում, նախ՝ Քեյմսի Սուրբ Առաքելություն, ապա՝ Լոնդոնի Թագավորական քոլեջում: 1963 թ., ձեռամբ հոգեւոյս Ս. Սեբուստիան արք. Մանուկյանի, ձեռնադրվել է արքեպիսկոպոս: 1964 թ. նշանակվել է վախճանահայության հոգևոր հովիվ: 1965 թ. ապրիլի 23-ին, պաշտպանելով վարդապետական թեզ՝ «Յոթ հորհուրդները Հայոց եկեղեցու» թեմայով, Օշականի Ս. Մեսրոպ Մաշտոց եկեղեցում, ձեռամբ Ն. Ս. Օ. Ս. Ս. Վազգեն Ա Ամենայն Հայոց Կաթողիկոսի, ստացել է վարդապետական մասնավոր աստիճան: 1965 թ. վերադարձել է Ֆրանսիա և ծառայության կոչվել Մարսելում: Այնուհետև երջանկահիշատակ Վազգեն Ա Կաթողիկոսի կարգադրությամբ մեկնել է Դամասկոս՝ որպես առաջնորդական տեղապահ: 1972 թ. նշանակվել է Նիսի շրջակայքի հոգևոր հովիվ: 1978 թ., ձեռամբ Ս. Շահե արք. Աճեմյանի, ստացել է Ծայրագույն վարդապետության աստիճան՝ ներկայացնելով իր «80 քարոզներ» աշխատանքը: 1991 թ. ընտրվել է Մարսելի առաջնորդական փոխանորդ և հայրապետական պատվիրակի փոխանորդ: 1992 թ. ստացել է եպիսկոպոսական օծում՝ ձեռամբ երջանկահիշատակ Վազգեն Ա Կաթողիկոսի: 2003 թ. օգոստոսին, ձեռնադրության 40 ամյակի առթիվ, Ամենայն Հայոց Գարեգին Բ Հայրապետի կողմից արժանացել է Հայ եկեղեցու «Ս. Ներսես Շնորհալի» շքանշանին: 2003 թ., իր իսկ ցանկությամբ, սրբազան հայրն անցել է վաստակած հանգստի:

Նոր նշանակում և կարգալուծություն

Ն. Ս. Օ. Ս. Ս. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի տնօրինությամբ սույն թվականի դեկտեմբերի 1-ից քահանայական կարգի մեջ վերականգնվել է Հայկ Գազազյանը՝ որպես Ս. Նորայր քին. Գազա-

Կկազմակերպվի բանախոսությունների շարք՝ «Պատարագն Աստվածաշնչի էջերից մինչև այսօր» խորագրով

Ն. Ս. Օ. Ս. Ս. Գարեգին Երկրորդ Ամենայն Հայոց Կաթողիկոսի օրհնությամբ Մայր Աթոռ Սուրբ Էջմիածնի «Գարեգին Ա» կրթական կենտրոնի տնօրեն Ս. Վահան եպս. Հովհաննիսյանը կներկայացնի բանախոսությունների շարք՝ «Պատարագն Աստվածաշնչի էջերից մինչև այսօր» խորագրով:

Մայր Աթոռ Սուրբ Էջմիածնում է դրամական աջակցության ծրագիր

Ն. Ս. Օ. Ս. Ս. Գարեգին Երկրորդ Ամենայն Հայոց Կաթողիկոսի տնօրինությամբ և օրհնությամբ Մայր Աթոռ Սուրբ Էջմիածնի սոցիալական ծառայության գրասենյակն իրականացնում է դրամական աջակցության ծրագիր 2023 թ.

զյան և ծառայության կոչվել ԱՄՆ-ի հայոց արևելյան թեմում:

Հայրապետական տնօրինությամբ և իր դիմումի համաձայն՝ կարգալուծ է հռչակվել Մայր Աթոռի միաբան Ս. Աղան արք. Երնջակյանը: Կարգալուծ է հոգևորականն այսուհետ կոչվելի աշխարհականների շարքին՝ Լևոն Երնջակյան ավագանի անունով:

Բանախոսությունները տեղի կունենան Արմավիրի թեմի Վաղարշապատի Ս. Աստվածածին եկեղեցում 2023 թ. դեկտեմբերի 14-ին, 21-ին, 2024 թ. հունվարի 11-ին, 18-ին և 25-ին: Հինգշաբաթյա բանախոսությունների ընթացքում կներկայացվեն Ս. Պատարագի խորհուրդը, մեղքի, Քրիստոսի զոհաբերության, Մեսիայի և փրկության աստվածաշնչյան ընկալումները: Անդրադարձ կկատարվի հինկտակարանյան զոհաբերությանը՝ որպես մեղքերի քվության միջոց, ինչպես նաև Ս. Պատարագի սկզբնավորմանը և Ս. Հաղորդության խորհրդի հաստատմանը՝ ըստ Նոր Կտակարանի:

սեպտեմբերի 19-ին Արթուրյանի սանձազերծած ռազմական գործողությունների հետևանքով բռնի տեղահանված 4 և ավելի անչափահաս երեխա ունեցող, Հայաստանի Հանրապետության տարածքում բնակություն հաստատած արցախցի ընտանիքների համար:

Լրատվական նյութերը՝
Մայր Աթոռ Սուրբ Էջմիածնի տեղեկատվական համակարգի

Մարդասիրությունն աստվածատուր շնորհ է

Քարգամանչաց տոնին՝ հոկտեմբերի երկրորդ շաբաթ օրը, ավանդույթի համաձայն, «Մաշտոց» կրթամշակութային կենտրոնի նախագահության միտ զումարեցիքը՝ տարին ամփոփելու և նոր ամեկիքներ որոշելու օրակարգով։ Մակնայն Թարգմանչաց տոնը մշելու, միմյանց շնորհավորելու ամենամյա լուսավոր տրամադրությամբ կսկիծ էր խառնվել՝ Արցախին պատուհասած անպատմելի աղետի պատճառով։ Հայրց Արցախաշխարհը հայաթափվել է, պետական այրել ու զինվորներն են գերեվարվել, պատանդառվել էր նաև աստվածատուր մարդասեր ու բարերար Ռուբեն Վարդանյանը, որի գործունեությունը պատշաճ կարևորել ու լուսաբանել էինք «Մաշտոց» համդեպի էջերում (Գիրք 67, Գիրք 80)։

Հայոց հայրենիքում տիրող իրավիճակի քննարկման ավարտին «Մաշտոց» կրթամշակութային կենտրոնի նախագահության ավագը՝ Վանդուս Ղարաբյոկյանը, առաջարկեց հղրբեջանական կալանավարչություն պատանդառված, «Ավորոտ» մարդասիրական նախաձեռնության համահեղինակ, պատվարժան հայորդի Ռուբեն Վարդանյանին բարոյապես աջակցելու նպատակով արժանացնել մեր կազմակերպության «Ամենայն Հայոց Կաթողիկոս Վազգեն Առաջին» մեդալի:

Առաջարկությունը դրվեց քվեարկության, ընդունվեց միաձայն և ծափահարություններով...

* * *

Այսօրվա իրականությունը, տարատեսակ կազմակերպությունների և անհատների նախաձեռնությունների ու ցնորակաճադափարների առատությունը ձևախեղել են հանրային հարաբերությունները: Այդ նախաձեռնություններն ու ծրագրերը մեծամասամբ միտված են դրանք հղացողների անձնական պատվախնդրությունները կամ այլ ակնկալիքները բավարարելուն: Համաշխարհայնացումը, բռնությամբ ժողովրդավարություն հաստատելու չհաջողված փորձերը, մեկի իրավունքը ոտնախարելով՝ մյուսի իրավունքների պաշտպանությունը միջազգային հարթակներում



քեժ քննարկվող և հանրությանն ապակողմնորոշող անպտուղ գործընթաց են: Աշխարհում տիրող խառնաշփոթը խթանողները մի նպատակ են հետապնդում՝ վերացնել ազգային պետությունները և տիրաճնալ լրանց պաշարներին և ունեցած միջոցներին:

Աստվածամերժ մեր ժամանակներում՝ մարդկության դեմ կատարված ամենադաժան ոճ-րագործության Չայոց ցեղասպանության 100-րդ տարելիցին, արժանապատիվ հայորդիներ Ռուբեն Վարդանյանը, Նուբար Աֆեյանը և Վարդան Գրեգորյանը համայն մարդկությանն ընծայեցին «Ավրորա» մարդասիրական նախաձեռնությունը՝ սահմանելով նաև «Ավրորա» մրցամակը: Նախաձեռնությունն ու մրցամակն անվանվել են Արշալույս Մարտիկյանի անունով, որը Չայոց ցեղասպանության ականատես է, փրկվելով մահից ու ստրկությունից՝ ընտրել է Ավրորա Մարդիգանյան անուն-ազգանունը և գրել Չայոց ցեղասպանության վերաբերյալ «Հռչակված Չայաստան» գիրքը՝ իր վերապրած մղձավանջային իրադարձությունների մասին: Հռոմեական դիմարմենի արշալույսի աստվածուհի Ավրորան և եղել է մրցամակի անվան երեշնանքի աղբյուր:

Դարերի խորքից եկող բազմա-
չափաբան, տաղանդաշատ, մշակու-
թարար հայ ժողովրդին պատիվ
բերող «Ավորա» մարդասիրական
մախաճեմնությունը համամարդ-
կային եզակի բարեսեր ու անմա-
խաղաչ ազգային առաքելություն է՝



ցեղասպանություն վերապրած ժողովրդի երախտապարտ որդիների ազնվագույն մարդասիրության դրսևորում:

Վրիժառուությունը, անափ վիշտն ու ցավը ամոքելու միակ միջոցը չէ: Գճմարիտը ոչ միայն թշնամուկ ոչնչացնելն է, այլև նրան զոջալու և ապաշխարելու ուղի բերելը: Ուժն ու արժանապատվությունը բարությունն ու մարդասիրությունն ծնողներն են մահ: Ժամանակին Սողոմոնը թեփելոյանը և արժանապատիվ մյուս հայորդիք հայոց դահիճներին պատշաճ պատժել են: Այսօր՝ 100 տարի անց, ժամանակն է Հայոց ցեղասպանությունը վերապրածների անուհից ոգեշնչելու և խրախուսել մերօրյա մարդասերներին՝ հնարավորություն ընձեռելով կյանք և արարելու հավատ պարգևել նրանց, ովքեր փրկության կարիք ունեն, ծայրահեղ ունեցուկն ու աղքատ են:

«Ավրորան» ամենամյա մրցանակ է: Դափնեկիրն ստանում է պարզև՝ 100 հազար դոլար, և բացառիկ հնարավորություն՝ շարունակելու նվիրատվության շրթաններն ոգեշնչած կազմակերպությունների տալով մրցանակ՝ 1 միլիոն դոլար:

Երախտագիտությունը գործով արտահայտելու գաղափարը «Ավրորա» մարդասիրական մասնաձեռնության շարժիչ ուժն է։ Աշխարհով մեկ սփռված այն անհամար փրկվածները, որոնք վերապրելու հնարավորություն են ստացել շնորհիվ Նուրիշների մեծահոգության, համարժեք քայլ կա-



տարելով՝ կարող են լավագույնս արտահայտել իրենց երախտագիտությունը: «Ավորա» մրցանակաբաշխությունը ծագումով հայկական, սակայն բովանդակությամբ համամարդկային մարդասիրական նախաձեռնություն է:

Մարդասիրությունն աստվածատուր շնորհ է, որ յուրաքանչյուր մարդու հասու է այնքան, որքան նա կայացած է որպես մարդ, որպես անհատ, ընկալում է աշխարհն ու նրանումն ապրող մարդկացն, օժտված է կարեկցանքով ու սիրով, բարեսեր է ու բարեգործ և համոզված է, որ այս աշխարհից այն աշխարհ իր հետ տանելու է միայն այն, ինչ սիրով կալվ է իր կողքին ապրող մարդկանց, ինչն արարել ու անշահախնդիր շնորհի է...

Հատկանշական ու կարևոր է, որ նախաձեռնության հեղինակներն ու իրականացնողները ցեղապանություն վերապրած ժողովրդի զավակներ են: Այս նախաձեռնությունն ազգի երախտագիտության ամենախաղեղա դրսևորում է, որ պատիվ է բերում տևական մաքառումների միջով անցած և կորցրած պետականությունը հավատի ու աստվածաշնորհ բացառիկ տաղանդի շնորհիվ վերանվաճած ժողովրդին:

Համաշխարհայնացման միտումով ազգային իր տեղը գիշում է համամարդկային, տեղեկատվական համակարգերի զարգացումն անարգել ճեղքում է պետական սահմանները, ազգային արժեքները հարկ է տեղադրել ու պահպանել համամարդկային

արժեքամակարգում: «Ավորա» մարդասիրական նախաձեռնության հեղինակների ներդրումը համամարդկային արժեքամակարգում, իմ կարծիքով, համայն մարդկության փրկության բանաձևն է, որ կամուրջ է գցում ապրելու համար անհրաժեշտից անչափ շատ ունեցողների ունեզուրկներից բաժանող օրեցօր խորացող անդունդին...

«Ավորրա» նախաձեռնությունը նաև հոգևոր երևույթ է՝ քրիստոնեական անսպառ սիրո ու մարդասիրության դրսևորում, որ իր գնահատանքն է ունենալու նաև Աստծուն երկնային թագավորությունում: Իսկ երկրի վրա հոգևոր այդ երևույթի համահեղինակն Ռուբեն Կարդադանյանը պատմադառված է Ադրբեջանի բանտում՝ Արցախում «տեռորիզմի ֆինանսավորման» անհիմն և շինծու մեղադրամքով: Տարօրինակ է, բայց փաստ, որ աստվածաշնորհի մարդասեր հայորդուն ցեղասպանություն է որակվում, իսկ աշխարհում բռնությամբ «ժողովրդավարություն» հաստատողներն ու մարդու իրավունքներ ջարդողները կոչյր են ու համբ: Կարծես թե երկրորդ լուրսակի հզորները նոր աշխարհակարգ են փորձում սահմանել: Հուսանք, որ կգա Արդարության թագավորության ժամանակը...

Առեղծվածառատ Տիեզերքը, չընդհատվող ժամանակը, Արեգակի լույսն ու ջերմությունը մեզ հետ են, երկիր մոլորակն իր ուղեծրում է, կյանքը շարունակվում է...

Արագընթաց համաշխարհայինացման պայմաններում ամենախոշոր ու էական երևույթներն անգամ ժամանակի ընթացքում մանրանում ու անէանում են: Սենք էլ հավատում ենք, որ «Ավորոր» մրցամակաբաշխությունն ու հայորդյաց մարդասիրական այս հանճարեղ նախաձեռնությունն ապրելու են և տարեցտարի ավելի կարևորվելու, քանի որ համայն մարդկության առջև ծառացած մարտահրավերներին հմարավոր է դիմակայել միայն բարեսիրությամբ ու երախտագիտությամբ:

Գագիկ ԱԹԱԲԵԿՅԱՆ
«ՄԱՇՏՈՑ» հանդեսի
խմբագրապետ

Անտարքերու թյուղնը մեղք է

Մեղքն անհնազանդությունն է Աստծու խոսքին: Աստվածաշնչում ասվում է. «Մեղքի վարձքը մահն է, իսկ Աստծու շնորհի՝ հավիտենական կյանք՝ մեր Տեր Հիսուս Քրիստոսի միջոցով» (Հռոմ. Է 23): Կան մեղքի տարաբնույթ տեսակներ, որոնք մարդուն տանում են հավիտենական դատապարտության, դարձնում աղքատ, ամարգ և վաղամեռիկ (տես Պողոս պատրիարք Արքիանուկյոսից, Խրատի Թանգարան. Եփիանին, 155. եռ 244):

Եկեղեցու հայրերն առանձնացնում են յոթ մահացու մեղք՝ հպարտություն, մախանձ, բարկություն, ծուկություն, ազահիություն, որկրանյութություն, բղջախստիություն: Այս բոլոր մեղքերն ունեն իրենց ենթատեսակները, այսինքն մի շարք մեղքերի ամբողջություն են:

Ամենայն Հայոց Կաթողիկոս Գարեգին Առաջինն այս մահացու մեղքերի շարքին ավելացրեց ևս մեկը՝ անտարբերությունը, որը հա-

մարեց ութերորդը. «Այսօրուայ մեր կեանքում ես ամենից մեծ մեղքը, մի տեսակ ութերորդ «մահացու մեղք»-ն եմ համարում անտարբերութիւնը, անշարժութիւնը եւ դատարկախօսութիւնը»:

Անտարբերությունն առաջանում է սիրո, ողորմության և գթասրտության պակասի հետևանքով: Սուրբ Գրքի մի շարք հատվածներ փաստում են, որ անտարբերությունը ծանր մեղք է: Դեռ Հին Կտակարանում Տերը ցույց է տալիս, որ անտարբեր մարդիկ արժանանում են մահվան: Ջրհեղեղի պատումում տեսնում ենք, որ Նոյը՝ որպես արդար և բարեպաշտ մարդ, զգուշացնում է մարդկանց, որ իրենց մեղքերի պատճառով Աստված ջրհեղեղ է անելու, սակայն նրա խոսքերը չընդունեցին, դրա պատճառով էլ կորստյան մատնվեցին (Ծննդոց է 27):

Ավետարանում Տերն ասում է.
«Այն ամենը, ինչ կկամենաք, որ

մարդիկ ձեզ անեն, այնպես և դուք արեք մրանց» (Մատթ. Է 12): Այս Ոսկե կանոնը փաստում է, որ ոչ ոք չի ցանկանա, որ որևէ մեկն իր հանդեպ անտարբեր լինի, և բացահայտ մերժում է անտարբերությունը (տե՛ս Ա. Խաչատրյան, Գողգոթայի հաղթանակը, Երևան, 2018, էջ 172):

Քրիստոսի առակներին «Քարի Սամարացին» անտարբերության տիպիկ օրինակ է: Վերավոր, անպաշտպան մարդու կողքով անցնում են քահանան, ղևտացին, և մի սամարացի, որին Իսրայելի ժողովուրդը բարև էլ չէր տալիս, չի կարողանում անտարբեր անցնել անօգնական մարդու կողքով, օգնում է նրան՝ տանելով իջևանատուն (տես Դուկ. Ժ 29–27): Սամարացին խորհրդանշում է Յիսուս Քրիստոսին. Նա երբեք անտարբեր չանցավ որևէ մեկի կողքով:

Մեր Տերը սովորեցնում է լինել ողորմած, սիրել և գթասիրտ լինել:

Աստված ինքն այնքան շատ սիրեց, որ իր սիրուց դրդված՝ արարեց աշխարհը: Առանց սիրո տեղի չէր ունենա արարչագործությունը:

Արարչագործության թագն ու պսակը մարդն է, որն ունի Տիրոջ պատկերը և նմանությունը: Մարդն Աստծուն նման է նաև արարելու և սիրելու հատկությամբ, որը կորցրել է իր սրտի մեջ տեղ տալով անտարբերությանը: Այս մեղքն ունեցող մարդուն Գարեգին Ա Կաթողիկոսը համարում էր արդեն իսկ մեռած մարդ: Անտարբերության մեղքով տառապող մարդուն հետաքրքիր չէ ոչինչ, երբեմն նույնիսկ իր անք: Այն կարող է դառնալ մի շարք մեղքերի պատճառ, որը վնասում է ոչ միայն անհատին, այլ նաև հասարակությանն ու պետությանը: Անտարբերության հետևանքով են տեղի ունենում պատերազմները, ինքնասպանությունները, գողությունները և մի շարք բազմաթիվ երևույթներ:

Անտարբերությունը կարելի է համարել ժամանակակից աշխարհի գլխավոր ախտերից մեկը, որ տարածվել է ողջ երկրագնդում: Յայ ժողովուրդն իր պատմության ընթացքում և ներկայումս էլ զգում է աշխարհի անտարբերությունն իր ճակատագրի հանդեպ: Մենք այն ժողովուրդն ենք, որ տեսել է ցեղասպանություն, պատերազմներ և ողբերգական այլ իրադարձություններ: Մեզ երբեմն թվում էր, որ այդ ամենն արդեն անցյալում է, որ ներկայումս համայն մարդկությունը զարգացել է, և ցեղասպանություն այլևս տեղի չի ունենա: Սակայն 2020 թ. Արցախյան պատերազմը և վերջին ժամանակներում Արցախի ժողովրդի նկատմամբ ցեղասպանական պատերազմներն ու բռնազաղթը ապացուցեցին, որ միշտագային հանդուրժումն անտարբեր է:

→ 59 8

Ժամանակակից աղանդների պատմական ակունքները

Նազարամյակների պատմություն ունեցող աղանդավորական շարժումները հայ իրականության մեջ արմատավորվեցին դեռ քրիստոնեության սկզբնավորումից՝ 4–5-րդ դարերից սկսած: Աղանդավորները, չիրաժարվելով ոչ Աստծուց, ոչ կրոնից, կամեցան են կարգադրել հավատքի գործերը՝ առանց եկեղեցու միջամտության: Աղանդավորական շարժումների մասին առաջին տեղեկությունները պատմագրության մեջ հիշատակվում են 5-րդ դարից՝ գրերի գյուտից հետո: Սակայն չի բացառվում, որ մինչ այդ էլ եղել են հերձվածողական աղանդներ, որոնց մասին գրի բացակայության պատճառով տեղեկություններ չեն պահպանվել: Այս ժամանակահատվածում տարածվեց, այսպես կոչված, Անապատականների շարժումը, երբ հավատացյալները լքում էին իրենց բնակավայրերը և փախչում հեռավոր անմարդաբնակ վայրեր՝ հիմնելով միաբանություններ: Անապատականներին հարում էին ոչ միայն գյուղացիները, արհեստավորներն ու առևտրականները, այլև ազնվականներն ու ամգած հոգևորականների մի մասը:

Միջնադարում աղանդավորական շարժումները, որպես կանոն, սոցիալական շարժումներ էին և որոշ սոցիալական հեմարան և դրդապատճառներ ունեին: Դրանք մեծամասամբ ուղեկցվում էին զինված պայքարով: Այս երևույթն առկա էր նաև մահմեդական իրականության մեջ (Ալի-ալ-լահիդներ, Բաբեյ և այլն):

9–11-րդ դարերում, ավատատիրական հարաբերությունների

խորացմանը զուգընթաց, ավելանում էին սոցիալական դժգոհությունները, որոնք էլ պարարտ հող դարձան նոր, ավելի ուժեղ աղանդների համար: Միջնադարյան Հայաստանում և Բյուզանդիայում հակաֆեոդալական ամենահզոր շարժումը դարձավ պավիկյաններին աղանդավորական շարժումը: 7-րդ դարի կեսերին Արևմտյան Հայաստանում ծագած այս շարժումը տարածվեց Բյուզանդական կայսրության արևելքում՝ հասնելով նաև Արևելյան Հայաստան: Արևմտյան Հայաստանում շարժման ծագումը պատահական չէր: Բյուզանդական իշխանությունների կողմից քաղաքական, կրոնական, սոցիալական, տնտեսական բազմապիսի ճնշումների ենթարկվող տեղի բնակչությունը պավիկյանների դրոշի տակ ընդգծեց կայսրության և նրա եկեղեցու դեմ: Եվ չնայած շարժման աշխարհիկ բնույթին ու դրդապատճառներին՝ այն հանդես եկավ կրոնական քողի տակ: Ավելի քան երկու դար գոյություն ունենալուց հետո պավիկյան շարժումը 872 թ. դաժանորեն ճնշվեց Բյուզանդական կայսրության կողմից: Սակայն լրիվ արմատախիլ անել պավիկյաններին չհաջողվեց: Քաշվելով անառիկ վայրեր և լեռնանցքներ՝ նրանց մի մասը ապաստան գտավ արաբական տիրապետության տակ գտնվող Արևելյան Հայաստանում, որտեղ արդեն թափ էր առել եղբայրակից թոմարական շարժումը:

Թոմարական շարժման հիմնադիր Սմբատ Ջարեհավանցին իր գործունեության ընթացքում ծանոթացել էր պավիկյանների ուսմունքին՝ լինելով այս աղանդի կենտրոն

Տերիկում: Եվ Հայաստանում, և՛ հարևան երկրներում ճանապարհորդելուց հետո նա հաստատվում է Մեծ Հայքի Տուրուբերան նահանգի Ապահունիք գավառի Թոմարակ գյուղում, որտեղից էլ սկսում է իր քարոզը: Հենց Թոմարակ գյուղի անունով էլ շարժումն ստացավ թոմարական անվանումը: Սմբատ Ջարեհավանցու գաղափարները շատ գրավիչ թվացին հայ հասարակությանը և կարճ ժամանակում տարածվեցին երկրով մեկ:

Այն, որ թոմարակցիներն իրենցից արդեն բավականին ուժ էին ներկայացնում, հավաստում է այն փաստը, որ նրանց հակառակորդները խուսափում էին շարադրել թոմարակցիների հայացքները՝ վախենալով, որ դրանք կգայթակղեն հավատացյալներին:

Իսկ ինչ էին քարոզում թոմարակցիները:

Մերժելով «նյութական»՝ նրանք մերժում էին ոչ միայն հոգևոր, այլև աշխարհիկ իշխանության տիրող համակարգը: Իրենց հոգևոր և աշխարհիկ գործերը ղեկավարելու համար նրանք ճանաչում էին միայն համայնքների միջից առաջացած «ինքնակոչ» առաջնորդների հեղինակությունը, որոնք առաջարկում էին նոր, արդար համայնակարգ:

Թոմարակցիները ժխտում էին հանդերձյալ կյանքի գոյությունը և չէին ընդունում հոգու անմահությունը: Ըստ նրանց՝ իրական է և արժեք ունի միայն այս՝ աշխարհիկ կյանքը: Թոմարական շարժմանը հատուկ էր տղամարդկանց և կանանց իրավահավասարությունը և ընդամենը հավասարու-

թյունը: Նրանք այդ հավասարությունը պահանջում էին գյուղական համայնքների, եկեղեցու և կալվածատերերի տրամադրության տակ գտնված նյութական բոլոր բարիքների նկատմամբ:

Թոմարակցիները մերժում էին նաև եկեղեցու ու հոգևորականության անհրաժեշտությունը: Ինչպես նշում է Գր. Մազստրոսը, թոմարականներն ասում էին, թե իրենք նյութապաշտ չեն, այլ աստվածապաշտ: Պաշտելով անտեսանելի և անշոշափելի Աստծուն՝ նրանք մերժում էին տեսանելի և շոշափելի խաչը, եկեղեցին, եկեղեցական զգեստները, եկեղեցական «խորհուրդների» անունով նվիրագործվող պատարագագործությունն ու եկեղեցական մյուս ծիսակատարությունները:

Ժխտելով հանդերձյալ կյանքն ու հոգու անմահությունը՝ նրանք չէին ընդունում երկնային հատուցում կամ պատիժ մարդկանց երկրային մեղքերի համար: Նրանք այն համոզմունքին էին, որ մարդու փրկությունը հնարավոր է միայն այս կյանքում, որտեղ էլ պիտի կառուցվի երկրյի արքայությունը, և վերացվեն ամեն տեսակի բռնություն, անիրավություն և կեղեքում: Եվ այս առաքելությունը նրանք պետք է իրականացնեին իրենց համայնքի իրավահավասար հավատացյալներով՝ առանց հոգևոր և աշխարհիկ իշխանության միջամտության:

Թոմարական շարժումը չնայած ունեցավ տեղային ծագում, այնուամենայնիվ հմտորեն օգտագործվեց հարևան ժողովուրդների կողմից: Գլխավորապես Բյուզանդիան, որը ևս պայքարում էր թոմար-

րակցիների դեմ, այն փորձեց օգտագործել Հայ եկեղեցին ու հայոց պետականությունը ներսից քայքայելու քաղաքական նկրտումներով: Բագրատունյաց Հայաստանի գրեթե բոլոր բնակավայրերում ստեղծված թոմարական աղանդավորական համայնքներն ավերիչ և կործանարար եղան երկրի համար: Այն խարխլեց Հայ եկեղեցու և պետականության հիմքերը, պառակտեց ազգային միասնականությունը: Ստեղծված բարդ իրավիճակում մի կողմից սելջուկ-թուրքական իրոսակներն էին արշավում Հայաստանի վրա, մյուս կողմից «բարեկամ» Բյուզանդիան դավադրաբար փորձում էր տիրել Հայաստանին, իսկ ներսից էլ թոմարակցիներն էին խարխլում երկիրը:

Թե իշխանությունները, թե հոգևորականությունը անողոր պայքար սկսեցին նրանց դեմ: Իսկ թոմարակցիները հալածանքներից խուսափելու համար գործում էին ծայրաստիճանի գաղտնիության պայմաններում, քանի որ բացահայտվածները ենթարկվում էին դաժան պատիժների՝ բանտարկության, խոշտանգումների, և նրանց դեմքին աղվեսադրոշմ էր դրվում, որպեսզի չկարողանային թաքնվել հասարակությունից:

Թոմարական շարժումը ճնշվեց: Աղանդի հետևորդներներն սպանվեցին, ողջ մնացածներն էլ փախուստի դիմեցին, սակայն աղանդավորությունը՝ որպես երևույթ, հայ հասարակությունից արմատախիլ անելն այլևս դարձավ մարտահրավեր:

Հերմինե ՍԱՅԱՅԱՆ

Եղիշե Դուրյանի անտիպ նամակներն Արշակ Զուպանյանին

17 օգոստոս 1922 թ.
ՄԵԾԱՅԱՐԳ ՏԻՍԻ ԱՐՇԱԿ ԶՕՊԱՆՅԱՆԵԱՆ

Բարիկ
Հիւրաբար տեղս գտնուող Տիգրանակերտցի Արժ. Սահակ քահանայ Միմասեան գրով մը դիմելով մեզ կը յայտնէ թէ ժամանակին Մուսուլի մէջ Ասորի կնոջէ մը գնած է 3–4 կտոր հին ձեռագիր Մագաղաթեայ արժեքաւոր գրքեր, Աւետարան, Սաղմոս, Նարեկ, Տօնացոյց, եւ որկած է զանոնք Բարիկ Հնչակեան կուսակցութեան Ատենապետ Պ. Աւետիս Նազարբէկեանի, որմէ պատասխան ալ առած է այդ ձեռագրերը վերստանալու համար, որեւէ պատասխան չէ ստացած: Արդ, իր խնդրագիրը եւ ամոր կցած երկու Քարդ-փոսթալի եւ նամակի պատճենները Ձեր Սիրելութեան կը դրկենք, որպէսզի եթէ հնարաւորութիւն ունիք հաճէիք ստուգել եւ իմացնել թէ Պ. Նազարբէկեանի որկուած այդ գրքերը այժմ ո՞ր եւ որո՞ւ քով կը գտնուին, եւ ի՞նչ միջոցաւ կարելի է զանոնք վերադարձնել իրեն տիրոջ Տ. Սահակ Քահանային: Վասնզի յիշեալ Քահանան կը փափաքի նուիրել այդ գրքերը Ս. Աթոռոյս Մատենադարանին:

Ինչպէս 250 թիւ մեր նամակով հաղորդած էիք Ձեր Սիրելութեան, Կարկուրեան Դատի մասին մեր փաստաբաններուն պատրաստած տեղեկագրին բնագիրը ամսոյս 14ին դրկեցինք Ազգ. Պատուիրական Վսեմաշուք Նախագահին: Ողջունի Սիրոյ, Աղօթարար ՊԱՏՐԻԱՐԿ ԵՐՈՒՍԱՂԵՄԻ Եղիշէ Դուրեան
3. Գ.— Հաճեցէք, յետ քննութեան



վերադարձնել մեզ միայն խնդրագիրը:

9 մայիս 1923 թ.
Երուսաղէմ

ՄԵԾԱՅԱՐԳ ՏԻՍԻ ԱՐՇԱԿ ԶՕՊԱՆՅԱՆԵԱՆ

ԲԱՐԻՁ
Հաճոյքն ունեցանք ընդունելու «LA ROSERAIE D'ARMENIE» Ձեր վերջին հրատարակութենէն օրինակ մը, յանուն Մեր, եւ 10 օրինակ ալ նուիրուած Ս. Աթոռոյս գրադարանին համար:

Ձերմապէս կը գնահատենք Ձեր ազգագուտ այդ երկասիրութիւնը, որ կոչուած է Հայ Գրականութիւնը ծանօթացնել Եւրոպայի, եւ ամոր մէջ կը նկատենք Հայ Ազգին գրական ու Արուեստագիտական հոգւոյն փառաւորումը:

Այդ հրատարակութեան շուրջ, SCHLUM BERGER ի, MAUCLER ի եւ ուրիշներու գրած յօդուածները որչափ մեր գրականութեան, մյունչափ ալ Ձեր համճարին մատուցուած գեղեցկագոյն հարկը կը հա-

մարինք, եւ մեզ ու մեր տառապած Ցեղը միփթարուած կը գտնենք այդ մեծարանքով:

Ի սրտէ շնորհաւորելով Ձեր այդ օգտաշատ եւ գեղեցիկ գործը, յաջողութեան եւ արդիւնաւորութեան ջերմագին մաղթանքներով կը նուիրենք Ձեր Սիրելութեան մեր Հայրական օրհնութիւնները:

Ողջունի Սիրոյ, Աղօթարար Պատրիարք Երուսաղէմի Եղիշէ Դուրեան


3 օգոստոս 1923 թ.
ՄԵԾԱՅԱՐԳ ՏԻՍԻ ԱՐՇԱԿ ԶՕՊԱՆՅԱՆԵԱՆ

ԲԱՐԻՁ
Տնօրէն ժողովոյս հետ ուշադրութեան առինք Ձեր Սիրելութեան 30ւիս 20 քուակիր նամակը:

Ասկէ առաջ, Տիար 3. Մրմրեան մեզի ալ դիմած էր թէւ փափաք յայտնելով տեղս գալ եւ Վանուցս մէջ հաստատուիլ, սակայն, ներքին կարգ մը պատճառներով հնարաւոր չէր դատուած գոհացում տալ իր խնդրանքին: Կը ցաւինք, որ կարելի պիտի չըլլայ իր մասին տարբեր կարգադրութիւ մ' ընել:

Կը յայտնէք նաեւ, թէ Տ. Կոմիտաս Վարդապետը Երուսաղէմ փոխադրելու նպատակաւ, Պաշտպան Յանձնախումբի Նախագահ Գեր. Տ. Վառձապուհ Ծ. Վարդապետի կողմէ դիմում պիտի ըլլայ մեզի:

Տ. Կոմիտաս Վարդապետի հոս առաքումը երկու ձեւով խորհուած է անշուշտ. կամ Վանուցս մէջ բնակարան եւ դարձան յատկացնելու իրեն, եւ կամ, քաղաքիս բուժարաններէն մէկուն մէջ տեղաւորելով, հոգաձու խնամատարութեան առարկայ ընել զինք:



Այս կրկին կարգադրութիւններէն եւ ոչ մին գործնական եւ յարմար չնկատուեցաւ դժբախտաբար, եւ կը ցաւինք որ կարելի պիտի չըլլայ գոհացում տալ ըլլալիք դիմումին: Որովհետեւ, նախ, հնարաւորութիւն չկայ բացարձակապէս, հիւանդ պահպանել եւ դարմանել Վանուցս Միաբանական կամ Ուխտաւորական շրջանակներու մէջ, ուր տրամադրելի բնակարան չէ մնացած բնաւ: Յայտնի է, թէ Վանքը խճողուած է ներկայիս հին եւ նոր գաղթականներով. իսկ Չամ եւ Պահչէ թաղերը Որբանոցի վերածուած են: Երկրորդ, քաղաքիս մէջ մտային հիւանդութեանց մասնաւոր Դարմանատներ չկան. միայն Բեթղէհէմի մէջ կայ խելագար կանանց յատուկ փոքր հիւանդանոց մը, ուր այրեր չեն ընդունուիր:

Շատ գոհ պիտի մնայինք, եթէ հաճէիք այս կարեւոր պարագաներուն վրայ Պաշտպան Յանձնախումբի մասնաւոր ուշադրութիւնը հրաւիրել, որպէսզի, դժբախտ Վարդապետի դարմանումին հա-

մար տարբեր կարգադրութիւն մը մտածուի, եւ կը կարծենք, թէ շատ աւելի դիւրին պիտի ըլլայ խնամել զայն տեղը, կամ Եւրոպական ուրիշ միջավայրի մը մէջ, ուր չեն պակսիր յարմարագոյն Դարմանատներ եւ մասնագէտ բժիշկներ:

Անշուշտ ընդունած էք մեր վերջին նամակը, որով տեղեկութիւններ հաղորդած էինք Ձեզի, Կարկուրեան Դատի ներկայ վիճակի մասին, առ այժմ, այդ մասին նոր բան մը չունինք Ձեզի տեղեկացնելու:

Ե՛մալ Փաշայի բռնագրաված հողի դատը յետաձգուած է, թելադրութեամբ Վանուցս Փաստաբաններուն, որպէսզի, այդ գետնին վրայ իրաւունք ունենալու յաւակնութեամբ՝ չթոյլատրուի Կարկուրի, իբրեւ երրորդ անձ մտնելու՝ հնդդոյն մէջ:

Ուրախ ենք որ մեզմով եւ Վանքի ճակատագրով կզբաղուիք միշտ: Շնորհակալ ենք Ձեր այդ բարի զգացումներու համար, եւ պատեհ առթիւ, եթէ դատերը մանաւանդ լաւագոյն ընթացք մը առնեն, պիտի փութանք Ձեզի ալ հաղորդել այդ ուրախարար լուրերը:

Չը մոռանանք ըսել, որ Ձեզ «Roseraie» ներէն մէկը, զոր յատկացուցած էիք Երուսաղէմի Կառավարիչ Մր. Սթօրսի, յանձնուեցաւ իրեն, վերջին ճամբորդութենէ վերադարձին:

Նուիրելով Ձեզ հայրական օրհնութիւնները,

Ողջունի Սիրոյ, Աղօթարար ՊԱՏՐԻԱՐԿ ԵՐՈՒՍԱՂԵՄԻ Եղիշէ Դուրեան

Դրատարակության պատրաստեց Սիլվա ՍՈՒՔԻԱՅԱՆԸ

ՔՐԻՍՏՈՆՆԵՈՒԹՅՈՒՆԸ ԵՎ ՀԱՅ ՄՇԱԿՈՒՅԹԸ

Գրիգոր Նարեկացին և 20-րդ դարի հայ գրականությունը

Գրիգոր Նարեկացու կերպարն ու ստեղծագործությունը ամբողջ միջնադարում, մոր և նորագույն շրջաններում եղել է հայ մտավոր կյանքի ուշադրության կենտրոնում: Դա երկարատև ճանապարհ է, որը 12-րդ դարում սկսվում է Նարեկացու անձի սրբացումով ու ավանդազրույցներով, նրա ստեղծագործությունների արտագրում-տարածումով, երկերի տպագրությամբ ու լուծմունքով, ի վերջո, նրա կենդանի ներգործությամբ հայ մտավոր, առավել չափով՝ գրական կյանքի վրա:





20-րդ դարի գրեթե բոլոր խոշորագույն գրողներն այս կամ այն չափով կրել են նրա բարերար ազդեցությունը: Ընդ որում՝ Նարեկացին հարույնում առավել որպես անձնավորված կերպար, և՛ որպես նյութ, բան, ասելիք, և՛ որպես արվեստ, բանարվեստ, և՛ որպես ընդհանուր հայացք ու փիլիսոփայություն: Նարեկացին միաժամանակ իր ներգործությունն ունեցավ թե՛ արևմտահայ, թե՛ արևելահայ իրականության մեջ: Այս շրջագծում են Դ. Թումանյանը, Ա. Իսահակյանը, Ա. Յարճանյանը (Սիամանթո), Մ. Մեծարենցը, Դ. Վարուժանը, Վ. Տերյանը, Լ. Շանթը, Ե. Չարենցը, Պ. Սևակը, Զ. Շիրազը, Զ. Սահյանը և ուրիշներ:

Նարեկացին և հայ գրականությունը հիմնադրույթն առաջնային է դարձնում մի գլխավոր հարց՝ մարդու կատարելագործումը և կատարելության ձգտումը, ինչն ամբողջ հայ գրականության առանցքային գծերից մեկն է և մի կողմից պայմանավորված է հայ ժողովրդի պատմական հոգեկերտվածքով, մյուս կողմից՝ քրիստոնեական դավանաբանությամբ:

Նարեկացու ստեղծագործության հանդեպ առանձնակի հետաքրքրություն է ունեցել *Սիսաբ Մեծարենցը*: Ըստ վկայությունների՝ Նարեկը նրա համար եղել է ոչ միայն սեղանի գիրք, այլև բարձի տակի գիրք: *«Ինքնադատության փորձ մը «Շիաժան»ին առիթով»* (1906) հոդվածը Մեծարենցն ավարտում է այս տողերով. «Բանաստեղծին ձայնը տիեզերական հարաբերականության մը լարը պետք է ըլլա, բոլոր գոյություններուն համադրական թրթռումովը տրոփումը»: Դեպի Նարեկացի տանող ավանդույթի հիմքը փիլիսոփայական այս դրվածքի մեջ է, ինչը տեսական-գեղագիտական հիմնավորում է ստանում *«Ըննադատությունը»*, *«Նարեկացին հետ»*, *«Չետամնաց բարեկենդան»* հոդվածներում:

Մեծարենցի թարմ մտածողությունը՝ հատկապես փոխաբերականացված պատկերները, դեմ առնա ժամանակի քննադատության դիմադրությանը (Ենովք Արմեն, Փայլակ՝ ժազ Սայապալյան, Տիգրան Զյուլկյուրյան), որից բանաստեղծը պաշտպանվեց Նարեկացուն վկայակոչելով. «....այն ատեն հարկ պիտի ըլլար մեր գրական հսկային՝ Նարեկացին փոխաբերություններուն ալ դատավճիռ կարդալ»: Այնուհետև, ապացուցելու համար, որ *«սենպոլիսը* կրնա ստացական չլրվի», վերստին բերում է «պանծալի Նարեկացին օրինակը»: Սրանից հետո է, ահա, որ գրվում է *«Նարեկացին հետ»* հոդվածը, որի մեջ միջնադարի գրական հսկան նրան ներկայանում է որպես «....սրբության իղձին կրակովը վառված անշեջ մորենի, մեծ աղոթասաց բանաստեղծ»: Իր թեև տառապաշունչ, բայց արտաքուստ խաղաղ գեղարվեստական կերպարի առջև «Նարեկը ալեկոծություն մըն է. հոգեկան վրդով մրրիկ մը և ալեկոծություն մը՝ ուր բառերն ու կշռույթները ալիքներու բաղխումին չափազանցությունը՝ անոնց ինքնակործան շարժումները՝ անոնց իրարահալած խաղացքն ու անկումներն ունին»:

Բանավիճելով քննադատների դեմ՝ Մեծարենցն ասում է, որ «կարմիր կարոտ»-ը հասկանալու համար պետք է «հրավառ կարոտ»-ից մեկ քայլ այն կողմ անցնել, որ իր օգտագործած և քննադատության կողմից քննահանդեսներ ընդունված բառերը գա-



լիս են նաև Նարեկացուց, ինչպես օրինակ՝ *փողփողենեջ*, *լռարան*, *գարմանուհի*, *բազմագեղուն* և այլն, որոնք քննադատները համարել են «բրածո»: Ի՞նչ բրածոյի մասին է խոսքը, առարկուն է Մեծարենցը և շարունակում. «....նախնի մատենագիրներ՝ մեզնե շատ ավելի լավ կ'ըմբռնեին լսելության և առոգանության Գեղեցիկը. — գիտեին վեհաշուրք արտասանել բառերը ու լսել անոնց վեհանդորր ձայնը <....>: Նախնի մատենագիրը գիտեր ծովածայն հնչեցնել բառերը <....>: Գիտեր ծիծաղախիտ ժպտեցնել բառերը....»: Այսքանից հետո նա բերում է Նարեկացու նմանաձայնության օրինակը՝ «Աչքն ծով ի ծով ծիծաղախիտ ծալալանայր....», և դրան զուգադրում է իրենց. «Արև ծիծաղի, ծաղիկ ծամերու....»: Սրան հետևում է Մեծարենցի եզրահանգումը. «Փոխաբերությանը ու նմանությանը ուժգնություններն ու նորություններ՝ զորս կը սիրեն գործածել՝ կարծել տվին թե *սենպոլիսը* մ'են. բայց աղոցմով կը *հիշեցնեի* միայն *սենպոլիզմը*՝ որում բոլորանվեր ուխտադիր մը չ'ըլլալեզ զատ՝ հակընդդեմ բնութենապաշտ հակումներ ալ ունիմ անոր հանդեպ. այսինքն կը նախընտրեն ճառագնչավետ կյանքը, բաբախում ու եռուզեռող բնությունը՝ խորհրդանշանական զուսպ ցրտություններն»:

Նարեկացին Մեծարենցի համար դարձավ ինքնապաշտպանական վահան՝ ընդդեմ ամեն տեսակի գրական հարձակումների: Իսկ որ ամենակարևորն է՝ Նարեկացին Մեծարենցին տվեց լուսի բանաստեղծականացման խանդավառությունը, տվեց փոխաբերական մտածողության թարմություն, տվեց իր բառապաշարը և իր բառակառույցներով մոր բառագանձ ստեղծելու հնարավորություններ:

Նարեկացու տաղերի մեջ իշխող ցնծերգի տոնական հանդիսությունը խանդավառել է նաև Մեծարենցին: Այդ մթնոլորտի մեջ թե՛ Մարդն է, թե՛ Բնությունը: Բնության այն խայտանքը, գույների այն խաղը, լուսի հազարերանգ ցուլափոխանքները, որ կենդանացնում են Մեծարենցի պոեզիան, գալիս են Նարեկացուց:

Նարեկացուց եկող բառապաշարն ու պատկերային մտածողությունը յուրովի արտահայտվել է նաև *Ասոռ Յարճանյանի (Սիամանթո)* պոեզիայում:

Յարճանյան—Նարեկացի ստեղծագործական կապը ժամանակին նկատել է Դ. Վարուժանը: Նախ՝ նա Յարճանյանի տաղանդի ամենից տիպական գիծը համարում է երևակայությունը, որին «միացած զգացումը կը ծնի վսեմը»: Նրա բանաստեղծության ամբողջությունը «տպավորության համադրությունն է,— բանաստեղծին ուժականությունը (dynamisme),

մտածումներում մասվորումը»: Յարճանյանին համարելով միատիկ՝ Վարուժանը շարունակում է. «Իբրև միատիք, Սիամանթո գրեց հեղափոխության Նարեկը և Դավիթանու Դայտնությունը»:

Շուրջ մեկ հազարամյակի ընդմիջումից հետո, առաջին հերթին դարձյալ Նարեկացու ավանդույթների ոգեկոչումով, Յարճանյանը վերականգնեց ազատ բանաստեղծությունը: Նարեկացիական ավանդույթները Վարուժանն ավելի որոշակի է դարձնում *««Սուրբ Մեսրոպ» Սիամանթոյի»* թեև սեղմ, բայց տարրողունակ գրության մեջ. «Տառերու գյուտին առթիվ գրված պրակ մը, որ պիտի կարծվեր Նարեկի մատյանեն փրթած <....>: Սիամանթո վերադիրներու գրիչ մըն է, ինչպես իր վարպետը՝ Նարեկացին <....>: Սիամանթո իր այս քերթվածին մեջ տվավ իրեն համար մոր ձև մը քերթելու, որ իր մյուս երկերում մեջ հազիվ կ'որվագծվեր. այս՝ զիմքը Նարեկացին հետ կապող թելն էր, զոր ամրակուռ շղթայի մը վերածեց»:

Յարճանյանի պատկերի շարժիչը հզոր երևակայությունն է, որ արտահայտվում է փոխաբերական մտածողության միջոցով: Այդ երևակայության զգացական հորձանքը չտեղավորվելով նախ՝ մեկ բառի մեջ, ստեղծում է բազմաբարդ բառեր, որոնք ինքնին բառապատկերներ են, և ապա՝ այդ տարերքը, չսպառվելով մեկ պատկերի մեջ, դառնում է պատկերների հաջորդական շարք՝ խոսքը վերածելով թվարկումների: Այդպիսին է ամբողջ *«Մատյան....»*-ը: Այդպիսին են նաև Յարճանյանի քերթվածների առանձին հատվածներ, բայց առավել բնութագրականը *«Սուրբ Մեսրոպ»* պոեմն է, որ ասես գրված լինի որպես Նարեկի շարունակություն: Մի կողմից՝ Աստուծո փառաբանություն, մյուս կողմից՝ անձի ինքնախոշտանգում, որ նարեկացիական հակադրամիասնությամբ առաջ են շարժում խոսքը: Ահա «Սուրբին աղոթքը» հատվածի սկիզբը.

*Լույս տուր ինձի, Աստված անհերքելի,
Տիեզերքի ամենկնեյի ճարտարապետ,
Ճակատագրի և ճանաչման ստեղծիչ,
Շունչի մրրիկ, կեդրոնական կարողություն,
Սուրբ սեղանիդ սարկավազմ Մեսրոպ՝
Իր մշուշապատ մեծ երազին՝
Քու ձեռքերեդ հստակություն կ'աղերսես...
Օգնե՛ ինձի, մեծապարզ և իմաստություն,
Ես՝ անցուկ հովիվ մեծ քարոզիդ,
Ես՝ եղկեյի մահկանացու, ես՝ դժգույն անտես
Հայկազնյան ահեղ ցեղին....*

Բանաստեղծությունը շնչող մարմին է, որի կենդանությունը պայմանավորված է այն ոգով, որ ստեղծողը փոխանցում է նրան: Յարճանյանի ոգին իր մեջ կրում է Նարեկացու ոգու հզոր շունչը:

Յուրահատուկ է Լևոն Շանթի վերաբերմունքը Նարեկացու հանդեպ: Շանթի *«Հիմ աստվածներ»* դրամայի գործողությունները տեղի են ունենում գրության ժամանակից հազար տարի առաջ, ինչը զուգադրվում է

Նարեկացու ժամանակներին: Այն կարծիքի ենք, որ որպես Վանահոր մախակերպար՝ ծառայել է հենց ինքը՝ Նարեկացին: Եվ Նարեկացուն, և՛ նրա գեղարվեստական մարմնավորում հանդիսացող Վանահոր կերպարին առաջնորդում է անշեղ ու կամային հավատը Աստծու արարչագործ ուժի հանդեպ: Շանթի Վանահայրը հենց ինքը՝ Նարեկացին է. դա այդպես է ոչ թե սոսկ փաստական նմանությամբ (ինչը կարող է նաև վիճարկվել), այլ ոգու նույնությամբ, ինչն արդեն անվիճարկելի է: Ավելացնենք, որ Շանթին ևս, ինչպես Նարեկացուն, ապալ՝ ինչպես իր ժամանակակից Թումանյանին, ուղեկցել է կատարելության որոնման գերնպատակը, ինչն արտահայտվել է ոչ միայն *«Հիմ աստվածներ»*, *«Կայսրը»* թատերգություններում, այլև ամբողջ ստեղծագործական առաջադրույթի մեջ:

Վահան Տերյանը, լինելով քահանայի որդի, Նարեկը պետք է տեսած լիներ մանուկ հասակից իսկ: Իսկ հետագա տարիները պիտի բերեին առավել գիտակցական ու սթափ հայացք: Ըստ վկայությունների՝ Տերյանն ունեցել է Նարեկի իր անձնական մատյանը՝ բազմաթիվ անդրադարձումներով. «....գրքի Տերյանի օրինակի լուսանցքները մեզ են հասել պոետի մշտնջենքում»:

Նարեկացուց Տերյանը յուրացրեց *«ան»* ժխտական մախածանցով սկսվող բառապաշարը: Համանման կազմության բազմաթիվ բառեր նա վերցրեց Նարեկացուց և նորերն էլ ստեղծեց դրանց նմանողությամբ: Ընդհանրապես երկուսի ստեղծագործության մեջ էլ *«ան»* ժխտական մախածանցով բառերի թե՛ օգտագործումն ընդհանուր բառապաշարից, թե՛ ինքնաստեղծումը նկատելի թիվ և որակ են կազմում: Սիա մնուշներ Նարեկացու համապատասխան բառերից՝ *անմեղծեմալի, անըմբռնելի, անտեսանելի, անշուշտիելի, անորոշելի, անճառելի, անիմանալի, անխարդախ, աննենգ, անգալթակելի, աներկբա, աննահանգ, անհարիր, անվայրափակ, անըստգյուտ, անսովերագիր, անտխուր, անբորբոք, անաղոտ, անմեղադրելի, անհաս, անքնին, անճառ, անպատում, անեղծ, անկապուտ (անկապտելի, անկորուստ), անտեսանելի, աներկբա, անպալկասելի, անստեղծ, անմաքուր, անհարմար, անհասություն, անոխակալություն, անկշռելի, անարատ, անկենդան, անբռնադատ, անարժան, անվատնելի, անծախ, անաչառ, անաղոտ, անխտոր, անխտորնակ, անընդմիջելի* և այլն:

Ահա մնուշներ նաև Տերյանի համապատասխան բառակազմից՝ *անըմբռն, անհոգի, անգին, անծայր, անծիր, անհաս, անմոռաց, անհայտ (անհայտներ), անհուն, անտես, անճանթ, աներևույթ, անտրտունց, անդողդոց, անակնկալ, անուրախ, անհանգստություն, անլաց, անխոս, անսահման, անվերադարձ, անդարձ, անսովոր, անվերջ, անհոգ անթափանց, անանց, անամոր, անհագ, անպատիր, անհաղթ, անկարող, անհույս, անընդհատ, անհուշ, անժամանակ, անաղմուկ, անհաստատ, անխուսափելի, անաղոտ, անկյանք, անել, անեզրական, անմութ, անդադար, աննպատակ, անարև, անտու, անբուխ, անզոր, անեղծ, անայլալ, անեզերք, անվախճան: Այսքանը (և այն էլ ոչ լրիվ) միայն «Սթնշաղի անուրջներ» շարքի 77 բանաստեղծության մեջ: «Երկիր Նաիրի» շարքից ավելացնենք բառակազմական այդ ձևը լրացնող ևս մի քանի մոր բառ. *անխնդում, անխինդ, անզուր, անարգված, անդուկ, անլույս, անպարտ, անարատ, անհպարտ, անարվեստ, անբիծ: Այս բառակազմությամբ Տերյանն ստեղծում է աննեխ բառը*:*

Տերյանի պոեզիան, ինչպես Նարեկացուն, հարուստ է հնչյունական մանաձայնություններով, որոնցից հիշատակենք համապատասխան հատվածների առանձին տողեր՝ «Աշման մշուշում շշուկ ու շրշում...», «Անտես ու հուշիկ իմ շուրջը շրջում...», «Շուրթերում Ձեր մաքուր ու բուրյան...»:

Շարունակելի

Դավիթ ԳԱՄՊԱՐՅԱՆ,
բ. գ. դ., պրոֆեսոր

Թուվանյանը և Անհոունը

Ատված, տիեզերք, երկինք, հավերժություն, արև, աստու,
ամպ, լույս, Սիրիուս, Արուսյակ և անհունին առնչվող,
տիեզերական խոհեր զաղափարանշող այլ եզրույթներ
շատ են շրջանառվում Թումանյանի ստեղծագործություն-
ներում, ընդ որում՝ խոսքը ստեղծագործական տարբեր ժա-
նրակափոփոխի մասին է։ Ինքնաճանաչողության խնդրին
ամենայն հայոց բանաստեղծին հաղորդակցության մեջ է
ղնում տիեզերքի հետ՝ հոգեբանական նույնացում և մեր-
ձեցում, հուզական ապրումակցում, վերագրումներ և առա-
ջաձգումներ, ներհայեցողություն, որ ճառագայթում է դեպի
անհունը և այլն. «Տայեցի տիեզերքի մեծությամբ, սուզվեցի
մրա անեզրության մեջ... Հասու եղա աստղերի կյանքին և
մարդու ոչնչությանը։ Տայեցի բնությանը և մրա բոլոր արա-
րածներին։ Եվ ինչով է պարծենում մարդը. մա մինն է մրա-
նցից, և ուրիշ ոչինչ... Տայեցի մարդուն իր ծննդյան օրից
մինչև մահը... ամեն դիրքի վրա, մա է միայն բարձրը, որ
կանգնած է իր ոտքերի վրա, մա է միայն գեղեցիկ, որ լուսա-
վորված է իր սեփական լույսով, իր ներքին լույսով լուսավոր-
ված է իրենից»։ Ըստ էության տիեզերքի անաղարտության
ու մեծության խորապատկերին մակ հակադրվում են մարդ-
նահկանացուի փոքրությունն ու մեղավորությունը։

Ժամանակի ընթացքում տարբեր ժանրային ստեղծագործություններում բանաստեղծի գոյութնաբանական խոհափիլիսոփայությունն ապրել է ներքին զարգացում, և այդ ճանապարհին առավել մշամավորվում է գոյութնական ընդվզումը:

*Տիեզերքում աստվածային մի ճանփորդ է իմ հոգին.
Երկրից անցվոր, երկրի փառքին անհաղորդ է իմ հոգին.
Դեռաջել է ու վերաջել մինչ աստղերը հեռավոր,
Վար մնացած մարդու համար արդեն խորթ է իմ հոգին:*

Տիեզերքը դառնում է ապրելու արժեքաբանական համակարգի որոշակիության տարածք, և սահման հասկացությունը կատարելության իմաստ է ստանում: Տիեզերքին առնչվող բոլոր բանաստեղծություններում և քառյակներում թուճանյանը գոյաբանական առումով գերազանցում է ինքն իրեն ու աշխարհին՝ իշխելով գաղտնահարողի տիեզերքի վրա: Եվ այդ ինքնահաղթահարումներն ինքնանպատակ չեն. նա «հոգով ամհուկին իրենվանքով» հաստատում է բարձրագույն արժեքների գոյությունը՝ գերադասելով դրանք մարդու անձնիշխանությունից ու չարությունից:

Վերանում է վեր հոգիս զըվարթուն—
 Զըկա մոտ ու տար, չըկա վեր ու ցած,
 Տիեզերքն ամբողջ հայրենիք ու տուն,
 Ու ես մի ազատ՝ անտարբեր Աստված:

Երկինքը՝ որպես գոյութենական տարածք, Հոփհաննես Թումանյանին հրապուրել է մանկուց, երկինքը նրա ներքին ուսուցիչն էր (գուցե մասնաճիւղի հետ հաճախակի ամերեսունից էր այդքան բլուրեղային, պարզ և էպիկական՝ անմեական կյանքում թե ստեղծագործությունների մեջ)։ «Պատանի ժամանակ սիրում էի մեր համերթում ու բլուրների վրա, ծառերի տակ մեջքիս վրա պառկել ու ժամերով խորասուզվել երկնքի մեջ կամ բնությանը։ Թռչելու տրամադրություն ունեի միշտ, և ինձ թվում էր միշտ, թե կարող եմ օդում թռչել, էնպես թեթև էի զգում, և այժմ էլ ինձ թվում է, թե թռչում էի կամ թռել եմ։ Գիշերների լռության մեջ միշտ ականջ էի դնում Դեբեդի ձենին, որ գալիս էր խոր ձորից երբեմն խուլ ու խոր, երբեմն պարզ ու ահապոր։ Եվ կարծես խոսում էր հոգուա հետ։ Իմ ամբ ուսուցիչը՝ Դեբեդի վշտոցը, աստղային երկնքի տակ քնելը և համերթում մեմակ կամաջում պառկելը ժամերով՝ երկնքի մեջ խորասուզված հայացքով»։

Նվարդ Թումանյանի հուշերում ընթերցում ենք. «Մի անգամ ասաց զրույցի միջոցին. «Ոնհուճության գաղափարը մեծ գաղափար է. մի ժամ մտածելը շատ ծանր բան է – խեղադրություն հասցնող բան... Մարդիկ սովորություն չունեն երկնքին մայելու, մինչդեռ շատ է կարևոր».... Տիեզերքի երևույթները, կյանքի ու մահվան գաղտնիքներից, կյանքի ուժայ-

նությունից, գոհունակության զգացումից, Արևելքի իմաստուններին էր մտաբերում. «Լավ է ասում Օմար Խայամը՝ի՞նչ ենք մենք, ի՞նչ է մեր կյանքը էս ծով օվկիանոսում— մի հյուլե անցնող»):

Տիեզերքի անհունության հետ խոր նույնացումներն ընդարձակում էին բանաստեղծի հոգեկան աշխարհի սահմանները, խորացնում իմացական դաշտը. «Յոթ-ութ տալիսական հասական նա «եզնարած» էր, բայց քանի որ շատ երազկոտ երեխա էր, եզերել միշտ կորցնում էր: Տանում էր համը, բաց էր թողնում, ինքը մի քարի գլխին նստում կամ մի ծառի տակ պառկում և անձնատուր էր լինում իր երազներին: Ժամերով հիանում էր վերջալույսի վարդազույն ամպերով, Չաթինդաղի գլխին ամպերի խաղով, նրանց դանդաղ ու սահուն ընթացքով և երազում.... Պառկում էր ձորափին, լսում Դեբեդի վշշոցը, թռչունների ելվծոցը, ծղրիղներին, իսկ ուշ երեկոյան պառկում էր բաց երկնքի տակ, նայում աստղազարդ երկնքին ու մտածում, երազում»:


Երկնքի, աստղերի ու տիեզերքի հետ ներքին հաղորդակցումից են ծնվում, ինչպես նշեցինք, Թումանյանի վիպական մաքրությունն ու ներդաշնակությունը: Բանաստեղծական յուրաքանչյուր մենախոսություն կամ երկխոսություն անմիջականորեն ունեն խոսակից, և խոսակիցը մի դեպքում տիեզերքն է, մյուս դեպքերում՝ երկինքն ու աստղերը: Նվարդ Թումանյանը գրում է. «Առանձնապես սիրում էր Սիրիուսը և Արուսյակը, նրանց փայլն ու զույնը: Հաճախ մթնշաղին արթնացնում էր մեզ, որ մենք էլ տեսնենք Սիրիուսի հիասքանչ առկայծումը կամ Արուսյակի հրաշագետ փայլը: Մենք էլ սիրեցինք աստղերը, և ամեն մեկս մի աստղ էինք ընտրել մեզ համար. մեկս Արուսյակը, մյուսը՝ Սիրիուսը, Օրիոնը և այլն: Հայրիկի այդ ոգևորության արգասիքը եղան «Արուսյակ» և «Սիրիուսի հրաժեշտը» բանաստեղծությունները»:

Բովանդակային ուշագրավ գաղափար կա «Արուսյակ» բանաստեղծության մեջ. Արուսյակը պետք է գա և զարկի «չարին ու չարքին», հալածի մութը: «Լույս ցերեկը պետք է հորդդ» և դառնա արդար ու ազնիվ համակեցության տեսլական: Գրելու ազդակ է եղել նաև 14-ամյա Վիկտոր Զամբարձումյանի այցը բանաստեղծին: Դա 1922 թ. ամռանն էր: Զրույցի ժամանակ ապագա խոշորագույն գիտնականը Թումանյանին տեղեկություններ է հաղորդել Սիրիոսի մասին: Ն. Թումանյանը ևս հիշում է, որ գրվել է 1922 թ. ամռանը. «Աստղերով էր հետաքրքրվում և այդ օրերին էլ գրեց «Սիրիոսի հրաժեշտը»:

Տիեզերքի հետ համարժեք հարաբերություններ կերտելով՝ բանաստեղծն առանձնացավ իր ինքնաբավ ամբողջականությամբ և տիեզերական ամբողջությամբ պատկանելու վստահությամբ: Տիեզերքը, անհունն իր մեջ կրող պոետը, որն իր գրականությամբ ամրապնդում է հասարակության հոգևոր իմքերը, կատարելությունը հասանելի բաղձանք է դարձնում:

«Անուշ» պոեմում երկինքը, աստղերն ու դյուխն գիշերը ամբողջացնում են Համբարձման գիշերվա և սիրահարմեն-
րի հանդիպման համայնապատկերը: Համբարձման գի-
շերվա նախերգանքն ու վերջերգը, գոյութենապաշտական
ինմաս և խորհուրդ կրելով, նախապահում են հոգևոր սկիզբը,
ընթացքն ու ավարտը: Հեղինակն ուժ, զորություն և մոգա-
կանություն է հաղորդում աստղերին՝ ակնկալելով. «Ջուրն
ու ծաղիկ աստղունք դրել, // Խնդիրք արել աստղերին, //
Փափագ սրտով խընդիրք արել // Բարի ժպտան իր սերին»:
«Աստվածային ամհաս խորհուրդը» բովանդակում է «աշ-
խարհից հեռու լազուր կամարը», իսկ «հրաշալի երջանիկ
վայրկյանը» կապվում է «ոսկի երկնքի դռների» բացման
հետ.

Տիեզերական գրականության արտացոլումնրի են նաև քառյակները: «Հոգիս՝ տանը հաստատվե՛» սկզբնատողով քառյակի մեջ տիեզերքը դառնում է թունալայանի հոգու ապաստարանը՝ իդեալական մի աշխարհ, ուր տանում է նաև ընթերցողին՝ հակադրելու ոչ միայն աշխարհի չարու-



թյանն ու ողբերգություններին, այլև մահվանը: Այսինքն՝ մարդն այստեղ առնմթեր գոյություն և կրավորական մասնիկ չէ, որովհետև «Տիեզերքի տերն եմ ես» տողը բարձրում գտնվելու և բարձունքից, այսինքն՝ բյուրեղացված, հոգեփոխված սիճակից իրերն ու երևույթները գնահատելու պատկեր է: Ներքոբերյալ քառյակում ևս «վեհանուն է ամենալուր հոգին»՝ մերձենալով տիեզերքի «խոր մեղեդուն ու մրմունջին»:

Ես շունչում եմ միշտ կենդանի Աստծու շունչը ամենուր.
Ես լրսում եմ Նորա անյուր կանչն ու հունչը ամենուր.
Վեհացնում է ի վերացնում ամենալայր իմ հոգին
Տիեզերքի խոր մեղեդին ու մորմունջը ամենուր:

Տիեզերքի այս անհատականացված ընկալմամբ Թումանյանն ընթերցողին համամասնակից է դարձնում բարձրագույն ապրումներին. «Աստուղային երազների աշխարհքներում լուսակաթ, // Մեծ խոհերի խոյանքների հեռուներում անարատ, // Ամհիշելի վերհուշերի մըշուշներում մըրբադող // Երբեմն, ասես, ըզգում եմ ես, թե կրհասներն Նըրա մոտ...»:

Մարդկային գոյության իրական անփոփոխ ակունքն ու առանցքը՝ տիեզերքը, դառնում է կենսահիմաստային նույնացման առարկա. «Ես միշտ հոգի, տիեզերքի մեծ հոգու հետ, ինչ կա որ»: Երկնքի հետ հոգեբանական նույնացման տիպիկ օրինակ է նաև հետևյալ քառյակը. «Իմ հոգին էլ այն երկնքի մանն, // Որ ծավալվում է ձեր գլխի վերև, // Ձեզ անհյտ, զադղանի – տեսնում է շատ բան // Եվ մոտ, և՛ հեռու, և՛ փայլուն, և՛ սև...»:

Թումանյանն ինքը փիլիսոփայական անվանեց իր ստեղծագործական կյանքի վերջին շրջանը: 1923 թ. հունվարի 21-ի գրույցի ժամանակ ասել է. «Իմ վերջին շրջանը՝ փիլիսոփայական շրջանը — «տիեզերական խոհերի» շրջանն է:

Բանաստեղծի՝ տիեզերքի հետ կապն ավելի սերտացավ մահվան մահձում: Դստեր՝ Նվարդ Թումանյանի հուշերում ընթերցում ենք. «Առավոտը խնդրեց մահճակալը էնպես ղնենք, որ երկինքը երևա».

Հազար տարով, հազար դարով առաջ թե ետ, իմն կա որ.
Ես եղել եմ, կամ, կլինեմ հար ու հավետ, իմն կա որ.
Հազար եսպես ձևեր փոխեմ, ձևը խաղ է անցավոր,
Ես միշտ հոգի, Տիեզերքի մեծ Հոգու հետ, իմն կա որ:

Թումանյանի բանաստեղծական բանականությունը, ահավասիկ, շարժման մեջ դրեց տիեզերքը, որպեսզի արարչագործությունը շարունակվի երկրի վրա ու հոսի դեպի մարդկանց ներսը: Տիեզերքի հետ մերձեցումը ոչ այլ ինչ է, եթե ոչ կյանքի մշակութային մախազիծ, որտեղ ոչ միայն շտկվում են անցյալի ու ներկայի սխալները, այլև ուղենշվում տիեզերքի ու Բարձրյալի հետ ներդաշնակվելու ճանապարհները: Թումանյանի քնարական հերոսը դառնում է տիեզերքին ձուլված բարձրակարգ մարդը, որը վերադարձել է իր արարչաստեղծ էության ու նախասկզբին: Հենց այսպես է Թումանյանը տիեզերքը դարձնում հոգևոր մշտամա արժեք:

Լուսինե ՂԱՐԱԽԱՆՅԱՆ, Կ. Գ. Ք., դոցենտ

Նորօրյա ամերթներ

Ամեն օր Քեզնից հեռանում,
Կրկին մոտենում եմ Քեզ, իմ Տեր,
Առանց Քեզ չկամ կյանք ու սեր,
Առանց Քեզ անհաշտ եմ ինձ հետ...
Աղոթքս համձնում եմ Քո կամքին
ու սպասում, Տեր...

* * *

Իմ մենությունը ընկեր՝ անդալա-
ճան ու հավատարիմ, իմ վստահե-
լի ու հոգատար Հայր, իմ խորհր-
դատու և ճեղ օրերիս միակ վկա,
փառք Քեզ, որ Դու կաա... Դու
հոժարակամ կրեցիր ծանր խա-
չը և Գողգոթա բարձրացար՝ փշե
պսակ կրելով և կյանքդ չխնայելով
անհրաժեշտներիս փրկելու համար:
Գեղարդով արյունաքամվեցիր՝
Հորդ պատգամն իրագործելով

Ա ապրեցնելով մեզ հարուսյանը
հրաշքով: Փանք ու խոնարհում,
երկնային Տեր: Ամեն ինչի համար
Քեզ են պարտական, Քո խոսքը
կյանք է, տիեզերական խորհուրդ՝
ճշմարիտ ու անդավ: Մեղա՛, Բարձ-
րյա՛, Անրիկ մեր բազմաբնույթ մեղ-
քերը: Ամեն:

* * *

Երկիրս տառապանքի մեջ է, Տէր, ողորմյա ազգիս, կանչիր նրան՝ մեղքի բեռները ցած դնելու։ Քո ոտքերի քով և դարձի գալու... Միայն Քո զենքով կարող ենք հաղթել այս աշխարհին։ Քո՛ մեզ տված հայրենիքը խլիր ամօրենստիպից և մեր հոյսի մոմերը վառիր նորից։ Քեզ դավաճող եկեղեցիներում ու

վանքերում: Ուժ ու զորություն տուր
մեր զինվորներին և կասեցրու հո-
խորտացող ոստիսին: Քո հզոր շու-
քի տակ պահպանիր մեր զինվոր-
ներին, մեր սահմանները, մեզ՝
բոլորիս: Թող Քո կենարար լույսն
ու օրինաբանությունը ողողեն աշխարհը,
և խաղաղությունը ծավալվի ամե-
նուրեք: Ամեն:

* * *

Ողորմյա, Տէր, այն անիրա-
վոթյունները, որ ի հայտ են եկել
մեր ազգի մեջ՝ միմյանց քարկո-
ծելը, ատելը, հպարտամալը, մա-
խանծելը.... Փառց Բեզ, իմ հոյսի
և լույսի Աստված, աղերսում եմ՝
ապաշխարանքի հոգի տուր մեր
ազգին և արմատախիլ արա Հարի
արմատները, որ գաղթակցում, այ-
նուհանդերձ է ազգս, և Քո իշխանու-
թյունը հաստատարի մեծ ու փոքր
իմ հայրենիքում: Տոբ մեզ Ես անա-

պառ սերը, որ կարողանանք նրա
շնորհիվ մաքրել մեր հոգուց արա-
տավոր ամեն բռնկում: Ամեն:

* * *

Ամենագորեղ Տեր, գթա ազգիս
և արթնացրու խոր թնրությունից:
Լսիր մեր աղոթքները և Քո իմաս-
տուն խոսքով արթնացրու բոլոր
մոլորվածներին: Դարձի բեր ուրա-
ցողներին և հետ պահիր սխալ
որոշումներին: Իմաստունությամբ
տուր իշխանավորներին, արդար
դատաստանդ թող սթափեցնի
և ուղիղ ճանապարհի բերի նրանց:
Բաց բոլոր փակ ճանապարհները,
փշրիր բոլոր պատնեշները մահա-
բեր, փրկիր քրիստոնյա ազգիս:
Ամեն:

* * *

Ամենաշնորհ Աստված, Քո լուսավոր հոգուց մի շող ճառագիտիր իմ

սրտում և մտքում և հիշողությունս
կազդուրիր, որ ես Քո իմաստնու-
թյան գրեթե կարդացածս յուրաց-
նեմ և փոխանցեմ ծարավածնե-
րին: Բարեհոգի Աստված, ամեն
առաջընթացի, ամեն հաջողու-
թյան, բարի մտքի համար Քեզ եմ
պարտական: Վանհր մեզնից այս
անտարբերությունը, ծուկությունը,
անորոշությունը և չարի գործե-
րը խափանիր... Ամեն պահ, ամեն
ժամ Դու ինձ հետ ես, սիրելի իմ
Տեր՝ վիսալությունս ցրող, հույսս
նորոգող, հավատս ամրապնդող
և սիրտս մաքրող: Զարմանալի ուժ
և զորություն եմ ստանում Քեզնից,
Տեր, որ կարողանում եմ այսքան
դիմակայել: Երանի մի օր արդար-
ների հետ մերձենամ Քեզ և խո-
սարհությանք աշդ համբուրեմ:
Ամեն:

*Իններորդ երանութեան մասին,
որ Քրիստոս յատուկ կերպով
Սուրբ առաքեալներուն տուաւ*

Սկիզբը՝ թիւ 9–18, 20

Տասներորդ հարցում:
Քրիստոսի՝ Իր սուրբ առաքեալներուն տուած երանութիւնը գերազանց եւ բազմավարձ է, քանի որ Քրիստոս բոլոր երանութիւնները ի վերջոյ Իր սուրբ առաքեալներուն տուաւ:

Աստղաբաշխներն ու կանխագուշակները կ'ըսեն, թէ թէեւ լուսինը միւս բոլոր աստղերէն փոքր ու ցած է, սակայն բոլոր աստղերուն ու մոլորակներուն յատկութիւնները ինքն իր վրայ կը հաւաքէ: Այսպէս ալ Տէրը՝ Քրիստոս, բոլոր երանութիւններուն ներգործութիւնն ու զօրութիւնը վերջաւորութեամբ սուրբ առաքեալներուն վրայ դրաւ, քանի որ անոնք Եկեղեցւոյ հիմքն էին: Տան մը հիմքերն ու սիւնները պէտք է ամբողջ շինուածքէն աւելի հաստատ ու կայուն ըլլան. հետեւաբար սուրբ առաքեալները հիմք եղան եւ ենթակայ բոլոր երանութիւններուն: Այդ պատճառով Քրիստոս ըսաւ, թէ ձեր վարձքը շատ պիտի ըլլայ երկինքի մէջ:

Իսկ առաքեալներուն առաջին վարձքը հոգիի աղքատութիւնն էր, որ զուրկ ու դատարկ էին մեղքերէ:

Երկրորդ վարձքը սգաւորութիւնն էր, որ միշտ կը սգային չգոջացող մեղաւորներուն վրայ, ինչպէս կ'ըսէր Սուրբ Պօղոս, թէ տրտմութիւն եւ մնայուն ցաւ կայ սիրտիս մէջ չապաշխարող մեղաւորներուն համար, եւ թէ լալով կը խօսիմ Յիսուսի խաչի թշնամիներուն մասին, որոնց աստուածը իրենց որովայնն է:

Երրորդ վարձքը հեգուծեան երանութիւնն է, որ բոլորը իբրեւ անմեղ զանուկ հեգուծեամբ մարմնաւոր դատաւորներու դիմաց կ'ելլէին, ինչպէս նաեւ հեգուծեամբ բոլորը կը խրատէին: Այդ պատճառով մարդկային բնութեան երկիրը ժառանգեցին Քրիստոսի հաւատքով եւ երկրի թագաւորները՝ աշխարհի իշխանները եղան:

Չորրորդ վարձքն արդարութեան քաղցն էր, որ այնքան անօթի ու ծարաւի էին արդարութեան, որ մինչեւ մահ արդարութեան համար պատերազմեցան, որովհետեւ դատաւորներ ու Քրիստոսի աթոռակիցներ էին: Խիստ անհրաժեշտ էր անոնց համար արդարութեան առաքինութիւնը, որպէսզի արդարութեամբ հաստատուի Թագաւորին աթոռը, ինչպէս Սողոմոնը կ'ըսէր: Իսկ սուրբ առաքեալներն իրենց արդարութեամբ Քրիստոսի Թագաւորութեան աթոռը հաստատեցին:

Յինգերորդ վարձքը ողորմութեան երանութիւնն էր, որ փոյթ չդարձնելով իրենց աղքատութեան՝ որբերուն ու այրիներուն համար ողորմութիւն կը հաւաքէին, քանի որ իբրեւ հայր գթած էին եւ իբրեւ մայր՝ ողորմած: Տակաւին, եօթ հոգեւոր ողորմութեամբ զարդարուն էին, որովհետեւ մեղաւորներուն թողութիւն կու տային, մեղուցեալները կը յանդիմանէին, տգէտները կ'ուսուցանէին, երկմիտները կը խրատէին, տրտմածները կը մխիթարէին, մարդոց փրկութեան համար կ'աղօթէին եւ կը համբերէին մարդոց՝ իրենց հանդէպ կատարած անիրաւութիւններուն:

Վեցերորդ վարձքը սիրտի սրբութեան երանութիւնն էր, քանի որ նախանձ չուներին, ինչպէս մանուկները: Խորհուրդով մաքուր էին, ինչպէս հրեշտակները: Ողջախոհ էին, ինչպէս տատակները, միամիտներ, ինչպէս աղաւնիները, այդ պատճառով ալ Աստուծոյ տեսութեան արժանացան:

Եօթներորդ վարձքը խաղաղասիրութեան երանութիւնն էր, որով Աստուծոյ որդիներ կոչուեցան, քանի որ Աստուծոյ, իրենց հոգիին ու մարմինին հետ խաղաղ էին, ինչպէս նաեւ՝ բոլոր մարդոց: Սուրբ Պօղոս կը խրատէր հաւատացեալները, թէ՛ եթէ հնարաւոր է, բոլոր մարդոց հետ խաղաղութիւն ունեցէք:

Ութերորդ վարձքն արդարութեան համար հալածուիւմ էր, որով Երկինքի Արքայութեան արժանացան:

Քրիստոս վերջին երանութեան մէջ բոլոր երանեալներուն վարձքերը սուրբ առաքեալներուն վրայ հաւաքեց ու այդ պատճառով ըսաւ, թէ ձեր վարձքը շատ պիտի ըլլայ Երկինքի մէջ: Ս. Յակոբոս առաքեալը կ'ըսէ, եթէ մէկը ունէ մէկ մեղաւորի մոլորութեան ճանապարհէն դարձէ, ինքն իր անձը մահէն կը փրկէ ու իր մեղքերուն շատութիւնը կը ծածկէ: Իսկ եթէ մէկը ունէ մեղաւոր մը դարձի բերէ, իր հոգին կը փրկէ, ու իր մեղքը չի յիշուիր:

Յետեւաբար առաքեալները, որոնք անթիւ ու անհամար մարդիկ անհաւատութենէ ու մեղքերէ դարձի բերին, այդ պատճառով բոլորին փոխարէն Աստուծոյ վարձք ստացան: Իմացիր, ուրեմն, թէ ինչքան փառքով ճոխացան:

Տասներկու սուրբ առաքեալները, տասներկու պատուական ակեր են, մարդոցմէ փառաւորուած եւ Աստուծոյ պսակով զարդարուած:

*Ս. Հոգիի տասներկու պտուղներու մասին,
որ Ս. Պօղոս առաքեալը կը թուէ գաղատացիներուն
ուղղած իր նամակին մէջ (Ե 22–23)*

Առաջին հարցում: Ինչպէս պտուղը ծաղիկներուն ու ծառերուն լոռւնն է, այդպէս ալ Ս. Հոգիին պտուղները Քրիստոսի մարդեղութեան ծաղիկներուն կատարելութիւններն են: Քանի որ ինչպէս Քրիստոսի չարչարանքներուն պտուղները Ս. Եկեղեցւոյ եօթ խորհուրդներն են, նոյնպէս Ս. Հոգիին բարեբարութիւններուն պտուղները տասներկուքն են: Տակաւին, ինչպէս ծառը իր պտուղէն կը ճանչցուի, նոյնպէս քրիստոնեան, եթէ այդ տասներկու պտուղները ունենայ, ատոնցմով կը ճանչցուի իր քրիստոնեայ ըլլալը:

Երկրորդ հարցում. այն մասին, թէ որոնք են Ս. Հոգիին պտուղները:

Պատասխան. առաջինը սերն է:

Երկրորդը՝ խնդութիւնը:

Երրորդը՝ խաղաղութիւնը:

Չորրորդը՝ երկայնամտութիւնը:

Յինգերորդը՝ քաղցրութիւնը:

Վեցերորդը՝ բարութիւնը:

Եօթներորդը՝ հաւատքը:

Ութերորդը՝ հանդարտութիւնը:

Իններորդը՝ հեգուծեան:

Տասներորդը՝ ժուժկալութիւնը:

Տասնմէկերորդը՝ զսպումը:

Տասներկրորդը՝ ողջախոհութիւնը:

Արդարեւ, սերը օրէնքներու լոռւնն է, եւ Ս. Հոգին է, որ մեզ կը յորդորէ զԱստուած սիրել: Սիրտի սերէն յայտնի կ'ըլլայ, եթէ մարդուն գործերը բարի են կամ չար, ինչպէս ծառը՝ իր պտուղէն:

Խնդութիւնը այն է, որ մարդ բարիք գործելէն կը ցնծայ եւ կ'ուրախանայ, ինչպէս մայր մը իր նորածին զաւակին կ'ընէ: Այս խնդութիւնը Ս. Հոգիին միջոցով կը ներգործէ մեր սիրտին մէջ:

Խաղաղութիւնը միտքի հանգստութիւնն է: Մարդ, երբ առաքինութիւն կը գործէ, միտքը կը խաղաղի, որ մինչ այդ խռովութիւն ուներ իր մարմինին հետ եւ կը հակառակէր հոգիին: Այս խաղաղութիւնը Ս. Հոգիին միջոցով կը ներգործէ մեր մէջ: Ս. Հոգին խաղաղութիւն կը կոչուի:

Երկայնամտութիւնը համբերելն է բարեգործութեան վարձատրութեան ուշացումին: Ս. Հոգին կը խրատէ մեզ երկայնամիտ ըլլալ ու բարի գործերու վարձքերուն համար համբերել, ինչպէս նաեւ նեղութեան մէջ իյնալուն՝ անմիջապէս մխիթարութիւն չխնդրել, այլ համբերել ու Աստուծոյ կամքին յանձնել [այդ նեղութիւնը], որ մեզի վարձք տալուն մէջ հաւատարիմ է: Այդ պատճառով Ս. Յակոբ կ'ըսէ, թէ՛ երկայնամիտ եղէք մինչեւ մեր Տիրոջ՝ Յիսուս Քրիստոսի գալուստը: Որովհետեւ մշակն ալ սերմը ցանելուն պէս անմիջապէս չի քաղեր, այլ մինչեւ հունձքին ժամանակը կը համբերէ: Նոյնպէս Ս. Հո-

գին կը խրատէ մեզ, թէ երբ բարեգործութիւն սերմանէք, մի՛ շտապէք քաղելու մասին մտածել, այլ երկայնամիտ եղէք մինչեւ Քրիստոսի գալուստը:

Քաղցրութիւնը այն է, որ Ս. Հոգին մեզ առաքինութեան եւ Աստուծոյ սիրով կը քաղցրացնէ, որով բոլոր դժուարութիւնները յօժարութեամբ կը տանհիմք, եւ նեղութիւնը կը քաղցրանայ մեզի համար:

Բարութիւնը այն է, որով մարդ իր Նախատիպին՝ Աստուծոյ կը նմանի, որովհետեւ Աստուած բարի է: Մարդը, բարի Աստուածը սիրելով, իր չափ ու սահմանին համեմատ կը բարիանայ: Բարին սիրելը Ս. Հոգին կը յորդորէ մեզի:

Հաւատքը հոգիին լոյսն է, որով մարդ անտեսանելի բաներուն կը հաւատայ եւ զԱստուած խոստովանողին համար [Ամոր գոյութիւնը] հաւաստի կ'ըլլայ. ասիկա Ս. Հոգին կը սորվեցնէ մեզի:

Հանդարտութիւնը այն է, որ մարդուն չի՛ ձգեր, որ բարիք գործելուն մէջ շտապէ, քանի որ հանդարտ ըսելը դանդաղ, կամաց ըսել է: Իսկ ան, որ շտապէ գործ մը ըրած ժամանակ, իրար կ'անցնի: Մանաւանդ բարիք գործելու պարագային մարդ պէտք է հանդարտութեամբ գործէ եւ ոչ թէ անզգամութեամբ ու լրբութեամբ:

Հեգուծեան բնութենէն մարդուն տրուած առաքինութիւն մըն է: Ս. Հոգիին պտուղները զանազան են. քանի որ բնութեան գործը մարդուն չի վարձատրեր մինչեւ Ս. Հոգիին շնորհներէն չուներնայ, այդ պատճառով հեգուծեան Ս. Հոգիի պտուղ կ'ըսուի, որ մարդուն փառքի կը հասցնէ:

Ժուժկալութիւնը այն է, որ մարդ բոլոր նեղութիւններուն բարեգործութեան համար կը համբերէ:

Զսպումը այն է, որ մարդ մարմինին կամքը հոգիին կամքով կը նուաճէ, ինչպէս նաեւ ծոմով ու պահեցողութեամբ չկառավարուող մարմինը կը կառավարէ:

Ողջախոհութիւնը այն է՝ կարենալ աշխարհի սերէն, մարմինի հեշտութենէն եւ սատանայի կամքէն ողջ ու կատարեալ պահել բոլոր զգայութիւնները:

Եթէ Ս. Հոգիին տասներկու պտուղներով զարդարուիս, Աստուծոյ եւ մարդոց համար պատուական կը համարուիս:

Շարունակելի

**Յակոբ պատրիարք ՆԱԼԵԱՆ
ՔՐԻՍՏՈՆԵԱԿԱՆ ՈՒՍԱՆԵԼԻ (1806)**

**Փոխադրութիւնը՝ Վարանդ (Յակոբ)
ՔՐԻՍՏՈՆԵԱՆԻ**

Ավանդագրույցներ Տաթևի վանքի շուրջ

Տաթևի վանքից Զայիձոր տանող ճանապարհին կանգնեցված հսկա քարը կոչվում է «Զայրիկի քար»: Զայիձորցիները պատմում են, որ Զայոց Կաթողիկոս Խրիմյան Զայրիկը (Մկրտիչ Ա Վանցի, 1892–1907 թթ.) Տաթևից Զայիձոր գնալիս նստել է այդ վայրում, հանգստացել, հիացել շրջակայքի աննկարագրելի գեղեցկությամբ, ապա շարունակել ճանապարհը: Հետագայում, ի հիշատակ Զայոց Զայրիկի, զանգեզուրցիները նույն այդ վայրում մի մեծ քար են կանգնեցրել ու այդպիսով հավերժացրել սիրելի կաթողիկոսի նկատմամբ ունեցած իրենց սերն ու ակնածանքը:

Տաթևի վանքի վերաբերյալ մի ուշագրավ ավանդագրույց է մեզ հասել, որում ստուգաբանվում է նաև Տաթև անունը: Ատում են, թե Տաթևի վանքը կառուցող վարպետը, որը նաև ճարտարապետն էր, ավարտելով իր գործը, հասնում է վանքի սլացիկ զմբեթի գագաթին: Հանկարծ նա վերևից ցած է նայում և տեսնում անդնդախոր ձորի սարսափազդու խորությունը: Վարպետը փշաքաղվում է, սար-

տում է անցնում մարմնով, հնձված հասկի պես փլվում է զմբեթին, ամբողջ մարմինն սկսում է ցնցվել: «Ո՞րնք են իջնելու այստեղից»,—մրմնջում է վարպետը: Ակամայից ձեռքը սահեցնում է ճակատը պատած սառը քրտինքի կաթիլների վրայով, ապա սրբում զոգնոցի փոշոտ ծալքերում: Մի կերպ հավաքելով վերջին ուժերը՝ թախանձագին դիմում է Աստծուն. «Հոգին Սուրբ թող ինձ տա թև»: Անսալով ալեգարո վարպետի աղաչանքին՝ Աստված թևեր է պարգևում նրան, որոնցով նա կտրում-անցնում է ձորը, թռչում հեռու-հեռու, հասնում հեռավոր մի երկիր: Վարպետի անհայտանալուց հետո նրա քարգործ ընկերներն սկսում են մտահոգվել, թե ինչպես պետք է հանեն այն գերանակապ հեմարանները, որոնք իրենց վրա պահում էին վանքի սալածածկ տանիքը: Ոչ ոք չի համարձակվում ստանձնել այդ գործը: Ստիպված որոշում են գտնել վարպետին: Երկար դեգերումներից հետո՝ ի վերջո, մի հեռավոր, մեկուսի վայրում հաջողվում է գտնել վարպետին: Ընկերների աղերսա-

լից խնդրանքներին վարպետն անհաղորդ է մնում: Ոչ մի կերպ չեն կարողանում համոզել անդրդվելի վարպետին: Լավ է, որ նա գոնե համաձայնում ու ասում է գերանակապ հեմարանները հանելու եղանակը: Վարպետի ընկերները գլխիկոր վերադառնում են Սյունիք, քանդում են հեմարանները և վանքի անունը դնում Տաթև՝ ի հիշատակ այն սրտաբուխ աղաչանքի, որով քարգործ վարպետը դիմել էր Աստծուն. «Հոգին Սուրբ թող ինձ տա թև, տա թև»: Այդպես էլ այդուհետ, քարգործ վարպետին Աստծո պարգևած փրկարար թևերը հիշելով, բարեպաշտ մարդիկ վանկարկում են՝ «...տա թև, տա թև...», ու վանքը կոչվում է Տաթև:

* * *

Պատմում են, որ Տաթևի վանքը կառուցելուց հետո զանգակատանը ոչ թե երկու մեծ զանգ են կախել, ինչպես որ հետագայում է եղել, այլ կախել են մի մեծ, հսկայական ու ձայնելու զանգ: Նրա ձայնն այնքան ուժեղ, զի ու ղողանջում էր, որ երբ չորս վանա-

կանները ձգում էին լեզվակից կապված հաստ ճոպանը և հնչեցնում զանգը, հսկայական զանգի ղողանջները տարածվում էին հեռուներում, արձագանքը թնդացնում էր սար ու ձոր: Ժողովուրդն ասում էր. «Էս ինչ գորեղ ու զորավոր, էս ինչ զոր զանգ է... զանգը զորն է, զանգը զորն է, զանգը զորն...»: Այդպես առաջանում է Սյունիք աշխարհի սիրտը կազմող տարածաշրջանի Չանգեզուր անվանումը: Երբ կարևոր հարցեր լուծելու համար ժողովրդական կամ եկեղեցական ժողով հրավիրելու անհրաժեշտություն կամ արյունարբու ոտխների և ավարառու հրոսակների հարձակման վտանգ է եղել, հնչեցրել են այդ զանգը, նա ահազանգ է գուժել, այդպիսով սթափեցրել, զուշացրել և Տաթևի վանք հրավիրել հարակից բոլոր գյուղերի, ամբողջ գավառի ու հարևան գավառների զորականներին ու աշխարհագրաբաններին: Տաթևի զանգի հնչեցրած տագնապի կանչով շրջակա գյուղերի և գավառների եկեղեցիների զանգերը ևս միացել են նրա ահազանգով



«Զայրիկի քար»


ղողանջներին, Ծղուկ և հարակից Զաբանդ, Չորք, Բաղք և Երնջակ գավառների բնակիչները ոտքի են կանգնել, հերոսաբար մարտնչել թշնամու դեմ, ջախջախել և դուրս շարտել Չանգեզուրի տարածքից:

→ էջ 8

Ավանդագրությունը Տաթևի վանքի շուրջ

← էջ 7

Այսպես երկար տարիներ Ձանգեգործը մնաց անառիկ, բարգավաճեց ու շենացավ: Անցան տարիներ: Լուրեր հասան, թե Միգին Ասիայից, Խորեզմի թագավորությունը նվաճելուց հետո, Պարսկաստան է արշավում Լենկ Թեմուրը: Լուրերը հաստատվեցին, երբ Լենկ Թեմուրը արդեն հարավից սպառնում էր մտնել Հայաստան: Բռնակալ Լենկ Թեմուրը արդեն եկել-հասել էր Արաքսի ափին, զորքին հանգիստ էր տվել, որպեսզի շուտով սրընթաց գետանցում աներ: Դեռ գետը չանցած՝ նրան է ներկայանում Մեհրի անունով մի իշխան և ասում. «Լենկ Թեմուրը ապրած կենա, եկել եմ, որ քեզ ծառայեմ»: Թեմուրի այն հարցին, թե ինչի՞նչ նա կարող է ծառայել իրեն, իշխանը պատասխանում է. «Քանի Տաթևի վանքի մեծ զանգը կա, դու չես կարող գրավել այս լեռնաստանը, քանզի թշնամական զորքեր տեսնելուն պես կամ արհավիրքի ու սպառնալիքի դեպքում հնչեցնում են այդ փրկաբեր զանգը, նրա ահազանգով ժողովրդին հանում արհավիրքին ընդառաջ»: Կարկանդակ է Լենկ Թեմուրը, խոժոռվում և մի քիչ մտածելուց հետո ասում. «Գնա՛, վառի՛ր, փչացրո՛ւ՝ եղ զանգը, ես քեզ շատ ոսկի, աղանձող, հողեր ու իշխանություն կտամ»: Ստոր դավաճանը ագահ, ցնծությունից պսպղացող աչքերով հեռանում է, գնում, գտնում է շուտափույթ հարստանալու մոլուցքով վառվող իր նման մի քանի ուրիշ դավաճանների, և գիշերով զանգի տակ մի մեծ խարույկ են վառում և հալեցնում-կտրում փրկաբեր զանգի լեզվակը: Լենկ Թեմուրի գործը սրընթաց անցնում է Արաքսը: Սուրհանդակները գույժը հասցնում են Տաթևի վանահորը: Ծերմակամորուս վանահայրը կանչում է ժամհար վանականներին ու կարգադրում անմիջապես հնչեցնել զանգը: Ժամկոչ վանականները, մոտենալով զանգին, տեսնում են արդեն մարող խարույկը, փորձում են գտնել լեզվակից կախված ճուպանը և հնչեցնել զանգը: Բայց՝ ի գործ... Փրկաբեր զանգը համրացել էր... Ժամհար վանականները սուրում են վանահոր մոտ և գուժում. «Ամեն բան գնի՛ր, սրբազան հայր, զանգը համրացել է, էլ չի ղողանջում...»: Լենկ Թեմուրը հասնում է Տաթև,



Տաթևի վանքի զանգակատունը մինչև 1931 թ. երկրաշարժից ավերվելը

ապա գրավում է ամբողջ Սյունյաց երկիրը՝ ավեր, արյուն, կոտորած, մահ ու թալան սփռելով ամենուր: Ողջ մնացած մարդիկ զարմանքով հարցնում էին միմյանց. «Ո՛ր էր զանգը զոռ, ինչի՞նչ էր նա լուռ, ինչի՞նչ ահազանգ չտվեց նա մեզ, ինչի՞նչ չկանչեց նա մեզ ռազմի դաշտ... ինչի՞նչ, ամիս, ինչի՞նչ...»: Ոմանք էլ, գլխահակ ու արտասվալից հայացքները հառած անորոշ կետի, այսպիսի տխուր պատասխան տվեցին. «Չանգը զոռ է, մեր զոռ զանգը զոռ է... ամիս, իզոռ է, զանգը զոռ է, զանգը զոռ, զանգը զոռ...»: Դրանից հետո Սյունիք մահանգի սրտի՝ լեռնաշատ այս բնաշխարհի անունը կնքվեց ու մնաց Ձանգեգուր:

* * *

Տաթևի վանքի հետ կապված ևս մի հետաքրքիր ավանդագրույց էլ է պահպանվել: Այնպես է պատահում, որ Տաթևի վանքը կառուցող քարգործ վարպետն ու վանական համալիրի համար ջրատար առու փորող վանականը գրագ են գալիս, թե իրենցից ո՞վ ավելի շուտ կավարտի աշխատանքը: Դրանից հետո նրանք սկսում են ավելի եռանդով աշխատել: Ժամանակ է անցնում, վանականը տեսնում է, որ քարգործ վարպետը տանիքի քարե սալերն ամրացնելուց հե-

տո հասել է գմբեթին, մինչդեռ ինքը դեռևս չի էլ մոտեցել աղբյուրի ակունքին: Վանականը երկար ժամանակ մտնում է, թե ինչ անի, ինչպես անի, որ քարգործ վարպետից ավելի շուտ «վերջացնի» գործը և գրագը տանի: Վերջապես վանականը համոզվում է, որ միայն խորամանկությամբ կամ խաբելով կարող է գործը գլուխ բերել: Վանականը վանքի դիմացի գառնափնի կախում է մի մեծ ճերմակ սավան, որը քամուց ալիքաձև ծածանվելով՝ նմանվում էր քարափի գլխից գահավիժող աղբյուրի: Վանքի գմբեթի վերջին քարերը շարող վարպետի հայացքն ակամա ընկնում է հանդիպակաց ձորալանջին, և նա մի պահ հապաղում է, ձեռքին բռնած քարը գլորվում է գմբեթն ի վար, վարպետը հագիվ փարվում է գմբեթին ու սահելով իջնում վանքի տանիքին: Վարպետին թվում է, թե վանականը քարափից թափվող աղբյուրի ջրերը ուր որ է կհասցնի վանք, ու ինքը գրագը տանուկ կտա: Չհաշտվելով պարտված լինելու և մնացած ողջ կյանքում գլխիկոր քայլելու մտքի հետ՝ պատվախնդիր ու համեստ վարպետը վանքի տանիքից իրեն նետում է խորախորունկ ձորը... Տեղացիները մինչև այսօր էլ ցույց են տալիս նրա գերեզմանը: Խարդախ ու վատամուն կրոնավորի անունով Տաթևի վանքի առուն հետագայում ստացավ Քեշիշ արխ (Քահանայի առու) անունը:

* * *

Տաթևի վանքից մոտ 5 կմ հարավ՝ Որոտան գետի ափին է գտնվում մի բնական հուշարձան: Ավանդաբար պատմում են, թե դա գեղանի Շահանդուխտի պատվին է առաջացել: Վաղուց, շատ վաղուց Շահանդուխտ անունով մի աղջկա հարս տանելիս հարսանքավորների թափորը Սյունյաց լեռներում ենթարկվել է անօրենքների հարձակմանը: Ավագակները, որոնք լսել էին հարսնացուի անզուգական գեղեցկության համբավը, կամեցել են հափշտակել շարմաղ Շահանդուխտին: Մինչ հարսանքավոր տղամարդիկ մենամարտում էին ավագակների դեմ, Շահանդուխտը փորձում է փախչել-հեռանալ: Սակայն ավագակները նկատում են տուրացող հեծյալին և սլանում են նրա հետևից: Ելուզակ առևանգիչների ձեռքը չընկնելու համար Շահանդուխտը



«Շահանդուխտի քար»

ծիով թռել է բարձր ժայռի գագաթից և անվնաս իջել Որոտան գետի ափին: Դրանից հետո այդ ժայռը կոչվել է Շահանդուխտի քերծ:

* * *


Հայոց Արևելից կողմանց (Արցախ-Ուտիք աշխարհներ) գահերեց իշխան Վարազ Տրդատի դուստր Շահանդուխտի մասին պահպանվել է մի գեղեցիկ պատմություն: Շահանդուխտին հարս էին խնդրել Թորգոմյան տնից: Երբ նա անցնում էր Բաղաց աշխարհով, առևանգման նպատակով նրա վրա են հարձակվում արաբ զինվորները: Կռահելով նրանց նպատակը՝ Շահանդուխտը մտրակել է ձիուն ու թռել քարաժայռի փվածքը: Այժմ Գորիսից Տաթև տանող ճանապարհին՝ Հալիձորի անտառի դիմաց, բարձր գահավեժ քարափներից մեկը կոչվում է Հարսնաքար կամ Հարսնաքերծ: Դ. Ալիշանն այն անվանում է Հարսնավազն:

* * *

Հրաշագեղ Տաթևի ձորում՝ Սատանի կամրջի մոտ է գտնվում մշակույթի Հարսնաքարը: Ասում են, թե իբր շահ Աբասը գալիս է Տաթև ու մարդ է ուղարկում, որ գնան ու Տաթևի Մեծ անապատի մի գեղանի կույս բերեն իրեն: Շահի համար ընտրված կույսը ճանապարհի ոլորանին, որից հետո այլևս չէր երևալու Տաթևի Մեծ անապատը, խնդրում է, որ իրեն թույլ տան վերջին անգամ տեսնել մենաստանը և աղոթել: Երբ շահի զինվորները համաձայնում են կատարել չքնադագեղ օրհորդի աղաչանքը ու նրան մեմակ թողնելով՝ մի փոքր հեռանում են, միանձ-

նուհին հայացքը դարձնում է դեպի մենաստանը, երկու ձեռքերն իրար միացրած ծնկի է գալիս ու արտասվալից աղոթք մրմնջում: Վերջացնելուց հետո ոտքի է ելնում, ասեղնագործ թաշկինակը հպում աչքերին, գրպանից հանում փոքրիկ մասնատուփը, բացում, հանում մի կտոր մաս ու տանում բերանը, ապա խաչակնքվում է, փակում աչքերն ու շվարած զինվորների աչքի առաջ իրեն նետում է ձորը... Գետնին ընկած միանձնուհին տեղն ու տեղը քար է դառնում: Ասում են, թե ամեն տարի՝ մույն օրը, ձորից մի ծվոց է լսվում...

Արման ՄԱՆՈՅԱՆ
Պատմական գիտ. թեկածու



Անտարբերությունը մեղք է

← էջ 3

Անտարբերության մեղսավոր ախտը մարդկության աչքերը փակել է, աշխարհը կառավարող ուժերը գերադասում են սեփական շահը: Հիսուս այս ամենի մասին ասում է. «Անդադար կնայեմ, բայց չեն տեսնի, շարունակ կլսեն, բայց չեն հասկանա, որպեսզի չլինի թե Աստծուն դառնան, և Աստված էլ ների իրենց» (Մարկ. Դ 12): Հոգևոր անտարբերությունը մարդուն զրկում է փրկության հնարավորությունից, այդ պատճառով սրբերը ջանասիրությամբ խնամարկում են իրենց հոգին՝ փորձելով հասնել կատարելության: «Հարանց վարք»-ում կարդում ենք, որ Միրոգեն անունով մի ծեր այնպիսի խստակյաց կյանքով էր ապրում, որ հիվանդացավ ջրգողությամբ: Երբ ծերերը գալիս են նրան բժշկելու, նա բոլորին ասում է. «Հայրեր, աղոթեցե՛ք ինձ համար, որպես-

զի իմ ներքին մարդը նման հիվանդության չենթարկվի, իսկ ինչ մնում է ներկայիս հիվանդությանը, ես Աստծուն խնդրում եմ, որ միանգամից ինձ չազատի դրանից»: Այս սուրբը փաստում է, որ առավել ծանր է, երբ մարդ ունի ներքին, հոգևոր հիվանդություն, լավ է մարդ մարմնապես հիվանդ լինի, քան հոգեպես: Մարմնական ցավի համար կան բազմաթիվ դեղորայքներ, իսկ հոգու հիվանդության միակ դեղը Տիրոջ խոսքն է: Մարդիկ չեն գիտակցում, որ ինչպես մարմինը, նույնպես և հոգին կարող է հիվանդանալ: Ամերիկացի գրող, հասարակական գործիչ, ուսուցչուհի Հելեն Քեյլերը, որը կույր և խուլ է եղել, ասել է. «Գիտությունը բազմաթիվ հիվանդությունների դեմ բազմաթիվ դեղորայք է հայտնագործել, բայց չի գտել միջոց հիվանդություններից ամենասարսափելի՝ անտարբերության դեմ»:

Անտարբեր մարդուն հատուկ արտահայտություններ են՝ «ինձ չի վերաբերում», «ես գործ չունեմ» և այլն: Անտարբերությունը չարիք է, որը բթացնում է մարդկային հատկությունները: Այն ընդունակ է անգամ անհատին զրկելու ծնողական զգացմունքից, այսինքն՝ ծնողը թողնում է իր երեխային, կամ հակառակը՝ երեխան է անզգա դառնում ծնողի հանդեպ: Այս մեղքի պատճառով է, որ գոյություն ունեն որբանոցները և ծերանոցները: Անտարբերությունը մեծագույն մեղք է, նույնիսկ կարող ենք ասել՝ մեղքերի մայրն է, որից պիտի ազատագրվենք, որ հասնենք փրկության: Մենք չպետք է լինենք անտարբեր քրիստոնյա, որը բացի մոմ վառելուց՝ ոչինչ չգիտի քրիստոնյայի վարքի մասին: Տեր Հիսուս մեզ համար օրինակ եղավ՝ անտարբեր չլինելով մարդկության նկատմամբ: Նա խաչվեց և Իր արյունը

թափեց մարդկության մեղքերի համար, որպեսզի կորստյան չմատնվենք ու հնարավորություն ունենանք փրկության արժանանալու: Անտարբերության չարիքից կարող ենք ազատվել զոջունով և ապաշխարությամբ: Եթե մարդ մեղանջի և զոջա իրապես, խոստովանի իր մեղքը, պատժի չի արժանանա: Աստված մարդկանց շարունակ հրավիրում է դեպի ճշմարտության գիտությունը՝ կարգելով նաև Ապաշխարության խորհուրդը, որը հնարավորություն կտա ներվելու: Աստվածաշնչում ասվում է. «Անօրենք եթե հետ կանգնի իր գործած անօրինություններից ու պահի Իմ բոլոր պատվիրանները, արդարություն գործի ու ողորմածություն անի, ապրելով ապրելու է ու չի մեռնելու» (Եզեկ. ԺԸ 21):

Գոհար ՂԱԶԱՐՅԱՆ

ՔՐԻՍՏՈՆՅԱ
ՉԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝

Մայր Աթոռ Սուրբ Էջմիածին

Հրատարակիչ՝

«Քրիստոնյա Հայաստան»
թերթի խմբագրությունը

Գլխավոր խմբագիր՝

Նարինե Հովհաննիսյան

Գրանցման վկայական՝ 624
Խմբագրության հասցեն՝

Մայր Աթոռ Սուրբ Էջմիածին

Հեռախոս՝ (010) 517 280

Էլ. փոստ՝

qristonyahayastan1@gmail.com
qristhay@etchmiadzin.am

web կայք՝

krishayas.wordpress.com
etchmiadzinlibrary.am/en/

kristonya-hayastan

Ստոր. տպագր. 27.06.2024 թ.

Տպաքանակը՝ 1265